

DISPUTATIO MEDICA
INAUGURALIS,

De

HYDROPE ASCITE.

Quam

AUSPICE ac PRÆSIDE JEHOVA,

*MAGNIFICI, AMPLISSIMI
in Celeberrima & Antiquissima Basi-
leensi Academia, Collegii Medici
Auctoritate & consensu,*

PRO SUMMIS in ARTE MEDICA
Honoribus, Privilegiis & Insignibus
ritu solemniter consequendis,

*Omnibus Artis Apollineæ Cultoribus
publicè examinandam proponit*

AHASVERUS SCHMITNERUS
Regiomont. Borufs.

Ad diem 21. Jun. An. M DC XLIII.

Loco horisque solitis.

BASILEÆ, Typis GEORGI DECKERI,
Academiae Typographi.



V I R I S,

*Nobilissimis, Consultissimis, Amplissimis
ac Prudentissimis,*

D N. D N.

C O N S U L I,
P R O - C O N S U L I,
CÆTERISQUE INCLYTÆ
CIVITATIS CNIPHOVIANÆ,
quæ in Regio-Borussiae-Monte est, S E -
N A T O R I B U S gravissimis, Patriæ Patri-
bus Fidelissimis, Fautoribus ac
Promotoribus hono-
randis,

*Inauguralem hanc Disputationem cum
promptissima studiorum & servi-
tiorum oblatione submissem*

Inscribo, confesco & offero

AHASVERUS SCHMITNERUS
Regiomont. Boruss.

Auxiliante DEO Triunno!

DISPUTATIO MEDICA
INAUGURALIS

De

HYDROPE ASCITE.

INGRESSUS.

INTER affectus corpus humanum discolerantes, defœdantes, deformantes ac lento gradu destruentes, haut malè referri potest & is, qui vulgò Hydrops appellatur. Quippe eo affecti corpus pallescit, intumescit, & inflatur. Faciei floridus & vividus color, seu ut Græci loquuntur, *τὸς ῥόας τὸ ζωηρὸν αὐτοῦ*, in cadaverosum, luridum & fœdum mutatur. Oculi protuberant, labia pallent atq; tument. Tandè eò correptus interceptâ respiratione, corporis, cordisq; calore paulatim labefactato miserè suffocatur, extinguitur. Adeoque tam dirus & funestus est hic affectus, ut in plurimis regionibus sæpè plura ab ejus malignitate, quàm aliûs affectûs mixta senum ac juvenû (ut Poëta loquitur) densentur funera. Cæterùm à Galeno Medicorum Coryphæo, aliisque probatissimis Medicinarum scriptoribus tres Hydropis constituuntur species, Anasarca scilicet seu Leucophlegmatia, Tympanites & Ascites. Hic duplex est, universalis & particularis. Universalem ego voco eum, qui ventrem, five infi-

gnem aliquam corporis cavitatem occupat, ut est Capitis, qui vulgò ὑδροκεφαλὸν appellatur, sitque vel intra cranium & meninges, vel extra cranium, inter pericranium vel cutem, docente *Sennert. l. 1. prax. part. 1. cap. 28. Casalpini. l. 5. Prax. cap. 40. Hildesch. spicileg. 10. S. Hydrocephalo*: Thoracis; cujus exemplum habet *Horst. Epist. Med. sect. 2. p. 455. Tulpius obs. Med. l. 2. cap. 16. & aliquot Carolus Piso de morb. ab illuv. seros. p. 215. & seq. Schenkii obs. l. 2. Abdominis*; qui omnium frequentissimus, & in specie Ascites appellatur. Particularem eum nomino, qui privatam aliquam corporis partem obsidet, qualis est cerebri; cujus observationem raram habet *Vesalius l. 1. c. 6. de fabr. corp. hum. Fabric. Hildanus cent. 1. observ. 10. & Tulpius l. 1. obs. Med. c. 25. Pulmonis*; cujus meminit *Sennert. lib. 2. Prax. part. 2. cap. 9. Carolus Piso l. c. p. 213. Et hoc Maximilianum Imperatorem interiisse scribit, Crato in Epist. Scholz epist. 136. Uteri*; de quo *Hipp. 4. de morb. & l. περὶ γυναικείων. Aetius l. ult. cap. 97. Fernel. l. 6. de part. morb. & sympt. c. 15. Fabric. Hildanus cent. 2. observ. 56. Tulpius l. 3. observ. med. cap. 32. Gutturis*; quem in Puella quadam se annotasse, atque etiam curasse, attestatur *Montanus consil. 263. Brachii*; de quo *Horst. l. 7. hist. memorabil. Marcell. Donat. cap. 7. & Montanus l. c. Manus*; quem aliquoties observavit *Sennert. sicut testatur l. 2. Prax. part. 1. cap. 25. Pedum & Scroti*; qui plerumque cum Ascite abdominis conjungitur. Verum relictis duabus prioribus Hydropis speciebus, impræsentiarum de tertia duntaxat, Ascite scilicet, & potissimum Universali Abdominis, utpotè frequentissima, nec minus gravissima Hydropis specie agam, atque in ejus indolem, pensiculatè, liberè & ingenuè inquiram. Quamvis enim

enim à Præceptorū & Magistrorum in Arte Medica
 celebrium placitis non temerè sit recedendum, sed
 eorum vestigiis, quantum licet, insistendum, servi-
 lem tamen animum *Alex. Massar.* sequi non placet, qui
de peste l.1. p.m. 496. scribit, sibi jam dudum constitu-
 tum esse, Galenum perpetuò imitari, & ab illo ne la-
 tum quidem unguem discedere, ac se malle cum eo
 errare, quàm cum recentioribus vera sentire. Gale-
 no ipsi potius obtemperabo, qui à Patre suo admo-
 nitus ne in ullius Magistri verba juraret, *l.2. m.m.* sic
 scribit: moveri non debemus Hippocratis (addo,
 aut alterius) famâ & auctoritate, sed veritatem quæ-
 rere, & contra experientiam & rationem quidquam
 illi, (nec aliis) credere. & in *com. l. de morb. vulgar.* ait,
 se nō solum in Hippocratis scriptis, sed in omnibus
 antiquorum libris observare, ut non temerè, quæ
 quisque ipsorum dixerit, approbet, sed experientiâ
 & ratione verumne, an falsum sit, quod scripserunt,
 examinet. Et certè ut angusti inertisque animi est,
 è libris quæcunque obvia describere, & rerum om-
 nium dominatorem intellectum humanum tan-
 quam mancipium alienæ libidinis, & aliarum opi-
 nionum facere, atque ad quamcunq; sententiam ceu
 ad faxum adhærescere: ita ingentium est & dignum
 homine rationis lumine nobilitato experientiam &
 rationem consulere, atque perpendere, non quis
 dixerit, sed utrum verè dicatur: quod nisi fiat, fa-
 cilis in errorem est lapsus. Ut autem hoc commo-
 dè fiat, usitatâ methodo perpendam atque excu-
 tiam sequentia.

I. Nomen. II. Definitionem rei.
 III. Subjectum. IV. Causas. V. Dif-

978. ferentias. VI. Signa. VII. Indicatio-
nes. VIII. Curationem. Conatibus meis
supremum adspiret Numen!

THEOREMA I.

Qui infimi Ventris tumor aquosus Græcis Ασκίτης
dicitur, is Latinis ad eorum imitationem Ascites, &
Barbaris Asclites appellatur: sæpè etiam Aqua-
intercus, & Aqua inter cutem, atque κατ' ἐξοχήν Hy-
drops: Germanis die Wassersucht/ das gelbe Wasser.

Prudenter Galenus Medicorum Antesignanus monet λο-
γομαχίας Medico imprimis fugiendas esse, & citò de nomi-
num appellationibus conveniendum, ne, quod illis tempus
& opera infumitur, rerum cognitioni depereat. Quare peruti-
le hoc monitum & hîc observaturus, ante omnia hujus affe-
ctûs etymon primò excutiam. Dicitur autem Ασκίτης ἀπὸ τῆς
ἀσκέως, ab utre, eò quod teste Galen. 4. aphor. 11. & in definit. med.
in illo venter serosò humore turgidus utrem aquâ plenum
repræsentet, vel quod secundum Valeriol. l. 2. observ. 5. percussus
in morem utris aquâ semipleni resonet, unde & Utricularis
Chalmet. Enchir. Chirurg. cap. 41. & Jacchin. in lib. 9. Rasis comm.
cap. 52. appellatur: Fortè etiam ἀπὸ τῆς ἀσκέως, i. e. Abdomine
seu Ventre, quia abdomen, seu ventrem, quem Celsus passim
uterum (nisi fortè utrem scripserit) appellat, occupat. Ασκὸς
enim, ut ex Scapula patet, etiam de homine vivo, vel mortuo
dicitur, & imprimis ex Dodon. sententia l. 2. Prax. cap. 66. de Ab-
domine sive ventre; unde & Asciten non aquam inter cutem,
sed inter ventrem collectam designare scribit. Nic. Florent. ser-
mon. 5. tr. 5. cap. 24. & Crusio Theatr. morb. part. 1. lib. 3. cap. 8. etiam
Hydrops Aquosus, ab aquæ prædominio dicitur. Paracelsus
tom. 4. tr. 4. Rorem humidum, seu resolutū liquorem ad aquæ
simplicis usualis differentiam, item undemiam ab unda nomi-
nat. Plurimis absolutè ὕδρωψ, ὕδρεψ, & ὕδρελασις appel-
latur.

latur. Quamvis autem Hydrops ἐκ τῶν πολλὰχῶς λεγόμενων sit, & vel generaliter atque latissimè accipi possit pro tumore universi corporis ab humore pituitoso; vel pro abdominis tumore à seroso humore vel flatu, ut quoq; communiter fit: Attamen propriè & in genere Hydrops denotat aquosi & serosi humoris abundantiam & collectionem, ob quam corpus, aut ejus pars p.n. intumescit, uti *Sennertus* docet *l.3. part. Prax. part. 6. f. 2. c. 3.* & *Reserus in consil. à Scholz. collect. consil. 131.* Adeoque etiam teste *Cael. Aurel. l. 3. c. 22.* ἀπὸ τῆς ὕδατος, ab aqua nomen accipit, & rectè sumitur pro omni aquoso & seroso tumore universum corpus, aut determinatam ejus partem internam externamve occupante, etiam cum vel sine partis affectæ adjectione. Propriissimè verò & strictissimè citra adjectionem partis læsæ Hydrops sumitur pro Ascite infimi ventris. Quod rectè quoque monet *Jacchinus l. c.* ubi sic scribit: Propriè dicitur Hydrops, Ascites, ceteræ verò species per hujus similitudinem: & *Galen. l. de atra bile cap. ult. & 4. aph. II.* Tympanitem ait ob tumoris similitudinem, quam cum Ascite abdominis habet, vocari Hydropem, proprium tamen Hydropem esse aquæ collectionem. Hinc etiam si quis absolutè Hydropicus vulgò appellatur, Ascite laborare intelligitur. Imò ipsi Medici quando in scriptis suis absolutè Hydropem nominant, Asciten plerumque intelligunt. Illum ipsum & ego intellectum volo, quando in præsentī dissertatione Hydropis absolutè mentionem fecero.

II.

Est autem Ascites tumor infimi Ventris, à seroso humore ibidem coacervato oriundus.

Affectus hic variè considerari, adeoq; etiam variè definiri potest. Velenim ut tumor p. n. infimi ventris, & morbus in magnitudine aucta, quâ ratione à *Gal. l. de morb. c. 16. & 14. m. m. c. 13.* Hydrops morbis adnumeratur: vel secundum receptam plurimorum Medicorum opinionem, ut symptoma frustratæ hepatis sanguificationis, quâ de causâ *Gal. de diff. sympt. c. 4.* eum inter symptomata reponit. Immeritò itaq; *Massar. l. 3. Prax. c. 16.* & *Argent. de sympt. cap. 1.* Galenum hanc ob causam reprehendunt,

380.
dunt, quasi sibi ipsi hâc de re non constaret. Nam Galenus ad varia respiciens variè etiam loquitur. Et cum pro diverso considerandi modo unus idemque affectus & morbus & symptoma appellari possit, etiam Hydrops, habitò respectu ad ejus causam, vel ipsum affectum, & symptoma, & morbus dici potest, fatente etiam *Mercurial. Prax. Med. lib. 3. cap. 24.* Neque absurdum, ut idem affectus pro recessus à statu naturali magnitudine, modò morbus sit, modò symptoma, teste *Sennert. l. 5. Prax. p. 1. cap. 29.* Verùm hac de re non ita scrupulosè disputabo, sed impræsentiarum Asciten considerabo ut morbum. Proinde in hac definitione loco generis proximi pono tumorem, quia conspicua & insignis magnitudo p. n. aucta adest, idcirco etiam ad morbum auctæ magnitudinis, ad quem omnes p. n. tumores, quatenus tumores, docente. *Gal. 13. m. m. c. 1. Sennert. instit. l. 2. p. 1. c. 8. & l. 5. Prax. p. 1. cap. . 1. & Fallop. de tumor. c. 3.* pertinent, rectè referri potest. Minus itaque accuratè *Zacutus Prax. hist. lib. 8. cap. 15. & Pereda comm. in Paschal. meth. curand. l. 1. c. 44.* Hydropem, dum tumore esse dicunt, symptoma nominant. Loco verò differentiæ specificæ pono infimum ventrem ceu adæquatum hujus tumoris subiectum, quò ipsò ab Ascite universali suppremi ventris seu capitis, & medii, seu thoracis, atque ab aliarum partium corporis internarum externarumve particulari differt: Atque causam continentem proximam, humorem scilicet serosum, quâ ratione à Tympanite discernitur, in quo hic venter à flatibus copiosis ita intumescit atque distenditur, ut manu percussus Tympani sonum reddat, à quo etiam nomenclatura hujus deducta est, *Gorraeo teste l. de fin. med.* Et quamvis etiam in Ascite sæpè seroso humori flatus admixti sint, quod etiam *Hoffmann. fatetur Pathol. parv. cap. 22. & de loc. affect. l. 3. c. 4.* item *Nasius part. 2. specul. m. m. s. 3. tr. 9. digress. 1. q. 5. Cortesius part. 2. Prax. med. cap. 21. Sennert. l. 3. Prax. p. 6. s. 2. c. 3. Cardanus comm. in Hipp. prog. 2. & 3. Stegius Art. Med. l. 3. c. 20. Rondel. meth. curand. morb. cap. 35. Paschal. l. 1. Prax. c. 44. & Massar. l. c.* Vel quoniam, ut *Averroes 3. Collect. c. 21.* docet, tenuis humoris portio inflatus convertitur; vel quoniam ut *Nasius l. c.* vult, alibi geniti hûc percurrere atque simul ad eundem tumorem concurrere possunt. Præponderat tamen semper in Ascite serosus humor, sicut

sicut contra in Tympanite flatus. Adeoque rectè etiam ab eo, quod abundat, denominatio sumitur. At ex sequentibus hæc clariora fient.

I I I.

Pars affecta, sive subjectum, est vel ipsius affectus, vel causæ. Subjectum adæquatum ipsius affectus, est infimus venter, Abdomen alias Anatomicis dictus.

Corpus humanum, nobilissimum & elegantissimum Dei Opt. Max. opificium ab *Oribasio, Carystio, Ruffo, Aristotele*, aliisque Anatomiae scriptoribus variè dividitur. Commodissime tamen præter artus superiores, manus, & inferiores, pedes, in tres dirimitur Ventres, supremum scilicet caput, medium Thoracem, & infimum, qui absolute, & strictiori significatu venter, & vulgò, licet minus propriè, Abdomen appellatur. Nam præterquam quòd *Spigelio* teste *de fabric. corp. hum. lib. I. cap. 3.* ineligans hæc vox sit, & potius porcis, quàm homini, magno mundi miraculo tribuenda, valdè etiam æquivoca est, & modò pro partibus infimi ventris universalibus & propriis, modò pro musculosa parte & cute; quandoque pro partibus ventris continentibus propriis; sæpicule pro anteriore & superiore infimi ventris parte, non rarer pro parte media & superiore ejusdem ventris sumitur: Sicut apud celeberrimum Anatomicum *Casspar. Bauhinum* *Theatr. Anatom. lib. I. cap. 3.* videre est. Cùm autem ex usu jam recepto, quò nihil *τὸ ἐξωκρινόν*, à plurimis hæc vox pro infimo ventre corporis humani sumatur, & nihil temere mutandum, sed loquendum cum multis, sentiendum verò cum paucis; nec ego hac in re ita religiosus ero, sed promiscuè hisce vocabulis posthac utar. Verùm enim verò dum infimum ventrem subjectum Ascitæ seu tumoris aquosi statuo, nomine ejus non intelligo totum integrale, ut ex partibus continentibus & contentis constituitur; sed internam ejus potissimum cavitatem à peritonæo expanso circumscriptam, partesque ejus continentes carnosas, membranosasque & molles, quæ extendi atque dilatari aptæ natæ sunt. Et quamvis sæpicule etiam scrotum, penis & cru-

rum, femorumque subcutanea spatia in Ascite simul intumescant, attamen infimus venter, in Ascite potissimum subitaneo, primò à seroso humore intumescit, turgescit & distenditur, atque ex eo, veluti scaturigine in partes has decliviores defluit, similemque in iisdem tumorem parit.

I V.

Subjectum causæ antecedentis, sunt omnes ferè partes in imo ventre contentæ.

Quandoquidem de causa serosum humorem in Ascite generante maximum inter Medicos sit dissidium, ut eò melius in ejus cognitionem pervenire possem, subjectum in ipsius affectus & causæ dirimire volui. Subjectum ipsius affectus seu tumoris quodnam sit th. 3. dixi. De subjecto causæ continentis proximæ, sive in quo serosus humor ipsum tumorem excitans existit, etiam nullum dubium esse potest, illud enim extra omnem controversiam est ipsum quoque abdomen, seu venter infimus, ut magis patebit, ubi de causa proxima agam: Verum de subjecto causæ antecedentis, sive quænam pars sit, cujus vitio serosus humor generatur, coacervatur, atque in cavitationem imi ventris depluit, gravis & difficilis inter Medicos est controversia. *Galenus, Celsus, Aetius, Ægineta, Actuarius, Trallianus, Aretæus, Arculanus, Trincavellius, Herc. Saxonia, Vidus, Vidius, Capivaccius, Hor. Augenius, Mercurialis*, & ii omnes qui Asciten à solâ sanguificatione læsa oriri existimant, solum hepar causæ antecedentis esse, acriter contendunt, hâc ratione moti, quòd in nulla alia parte, quàm in hepate sanguificatio celebretur, unde & eandem læsam hepatis acceptam ferunt. Et scriptum reliquit *Galen. 5. de loc. aff. 7.* nequaquam fieri posse Hydropem, nisi hepar sit affectum. Idem reponit *Campanell. Art. Med. l. 6. cap. 16. art. 5. Sanchez l. 3. de morb. inter cap. 21. & Zacutus l. c.* ne particularem quidem hydropem, ut capitis, pulmonis, uteri, scroti, brachii, pedis, &c. citra læsionem primariam hepatis fieri posse, scribit: Putantque Galenici, imprimis Veteres Latini & Græci, hoc adeò manifestum esse, imò, ut *Crusius* ait *theatr. morb. part. 1. cap. 7.* luce meridianâ clarius, & *Sybillæ foliis* verius,

rius, ut propterea nemo contrarium affirmare possit, nisi qui indoctus aut contentiosus. Verum enim verò non semper hepar laborare, sed quandoque salvo etiam hepate alias partes infimi ventris, ut Lienem, Mesenterium, Omentum, Renes, Ureteres, Vesicam, Uterum, testes muliebres &c. ad generationem & collectionem serosi humoris causam proximam præbere posse, & ratio & experientia evincit. Quippe non semper Ascites oritur à læsa sanguificatione, sed sæpè numero etiam ab aliis causis, uti etiam docet, *Sennert. l. 3. Prax. l. c. q. 1. & de Cons. & Diss. cap. 15. p. 527. prim. edit.* atq; in progressu etiam planum faciam. Et positò quòd Hydrops fieri non posset, nisi sanguificatio sit læsa, non tamen inde rectè infertur; ergò hepar necessariò est læsum, & per consequens boni & inculpati sanguinis loco, serosus & aquosus humor ejus vitio generatur: Potest hoc fieri etiam vitio cordis, Lienis, Renum, &c. Nam non hepar unicum & principale sanguificationis organum est, sed & Cor, Cerebrum, Pulmones, Lien, Renes, imò totum arteriosum & venosum genus sanguificationem adjuvant, maxime verò cor, à quo etiam sanguis suam perfectionem accipit. Cum enim Chylus ex intestinis per venas lacteas ad glandulam magnam mesenterii s. pancreas Asellii, & post ad venam portæ (ad hanc enim truncum venarum lactearum excurrere, sæpius observavi) & ex hac ad hepar depellitur, non diu in hepate commoratur, sed cum reliquo sanguine permixtus ad cor rapitur, ex eo ad Pulmones, Cerebrum, Hepar, Lienem, Renes & omnes corporis partes impellitur, tandem per venas ad cor, ceu promptuarium sanguinis recurrit, sicque reiteratis circulationibus à prædictis partibus, pro cujusque natura & conditione depuratur, alteratur, coquitur & tandem perficitur. Non prorsus dissimili ratione ut in Chymicis infusus liquor in vase circulatorio, Pelicano vel Dyota dicto ascendendo & descendendo, ac quasi in circulum agitatus, digeritur, exaltatur & perficitur. Et revera sic esse, facile percipiet is, qui circulationem sanguinis, quam ingeniosissimus *Harvejus* primitus invenit, & post eum clarissimus *Wallæus* variis observationibus & primus confirmavit, & propugnavit, intelligit. Eam & ego infinities observavi atq; varia experimenta eum in finem feci,

etiam cum Clarissimo Wallæo, Celeberrimæ Lugduno-Batavæ Academiæ Profess. dignissimo. Et quilibet facili negotio huncce sanguinis motum in vivis animalibus observare potest, modò visum suum consulere, & oculis suis fidem habere velit, quod in Anatomicis & operibus naturæ contemplan-
dis omninò faciendum, ut monet *Galen. 2. de usu part. cap. 3.* Proinde cùm sanguificationis organum non sit solum hepar, sed & aliæ antea enumeratæ partes mutuas ad sanguificationem operas conferant, ideoque nec solius hepatis, sed & aliarum partium vitio sanguificatio lædi potest, & propterea in Hydrope, aliisque morbis, in quibus sanguificatio læsa deprehenditur, non statim ea de causâ hepar accusandum. Præterea experientia omnium rerum optima magistra docet Hydropem salvo etiam hepate fieri. Sic *Tulpius lib. 2. observ. cap. 32.* à solo mesenterii ulcere hydropem excitatum quinques se vidisse, testatur, & *cap. 34.* Hydropem in muliere ab innumeris mesenterii hydatidibus ortum describit. *Beveroviti* bis Hydropem observavit, in quo nullum, nec in hepate, nec in liene, sed omne vitium in renibus erat, sicut videre est in *tract. de calculo ren. & vesic. cap. 1. p. 8.* & in *specileg. de calculo. p. 205.* similiter Hydropis ab exulceratione renum observationem habet *Clarissimus Platerus l. 3. observ. 607.* *Benivenius de abd. morb. & sanat. caus. cap. 34.* refert se vidisse in Moniali quadam Virgine, Asciten ab urina, quæ ex læsa & pertusa vesica in ventrem influxerat, reliquis visceribus, hepate & liene salvis, excitatum. *Vesalius de Fabr. corp. hum. l. 5. cap. 9.* in Hydrope lienem vitiosum Epate planè salvo deprehensum fuisse, testatur: Et *Dodonaus Prax. Med. lib. 2. cap. 66.* scribit, se nullius corpus Ascitici aper-
tum vidisse, cujus lien non erat tumidus & magnus, idcirco etiam putat solius jecinoris affectum ad Ascitæ generationem non sufficere, nisi simul lien malè quoque affectus, ac tumidus magnusque redditus sit, qui etiam solus (ejus uxor ver-
bis) ad Ascitæ generationem sufficere potest. Huic assentitur *Duretus, qui comm. Coac. Hipp. c. 19. p. 330.* Hydropem nullum sine consensu & conspiratione Lienis fieri asserit. Obstructionem etiam levium arteriarum quandoque succedere Hydropem, docet *P. Salius Diversus de aff. part. cap. 21.* Arabes quoque ex
Galeno

Galeno edocti quòd etiam à colliquatione humorum in massa sanguinea interdum fiat Hydrops, de quo postea, etiam hydropem non semper hepatis, sed & renum vitio fieri statuunt. Præterea solo testiculorum vitio, salvò hepate, aliisq; partibus internis, Hydropem factum fuisse, Magnus ille Anatomicus, & Botanicus Clarissimus *Baughinus* annotavit, ut apud *Schenck*, l. 3. observ. videre est: & similem ab eadem causa observavit *Heintzius*. Ego ipse etiam in Nosocomio Leidensi bis observavi Hydropem salvo hepate, vitiò Lienis, & semel renum vitio excitatum. Optimè hoc intellexit Divinus *Hippocrates*, dum 2. *Prognost.* expressè dicit ἀρχονται ἢ οἱ πλείστοι ἀπὸ τῶν κενεῶνων καὶ τῆς ὀσφύος, οἷδε ἀπὸ τῆς ἥπατος; incipiunt pleriq; hydropes vel ab ilibus seu inanibus locis, vel ab hepate; ubi τῆς ὀσφύος nomine renes intelligit, per τὰς κενεώνας verò lienem, mesenterium, intestina, uterum, &c. Unò verbò omnes eas partes, quæ inter extremas thoracis costas, & coxendicis ossa continentur, & tamen ab hepate differunt, scilicet tam latè apud *Galen.* in *prognost.* οἱ κενεῶνες patent. Et l. de morb. *Hipp.* inquit: γινέται ἢ καὶ ὑδρῶς ἀπὸ τῆς σπληνός, ὅταν νοσήσῃ. Licet verò Galenus ejusque asseclæ etiam doceant Hydropem quandoque fieri vitio lienis, renum, mesenterii, uteri, &c. non tamen proximè ab hisce eum oriri volunt, sed hepar ab hisce partibus in consensum trahi, adeoque in omni hydrope hepar semper vel primariò vel secundariò affici, & salvo hepate nullum Hydropem contingere ad ravim usque clamitant. Ast quantùm illi à janua aberrant!

V.

Causa Ascitæ vel συνεκλική, vel περηγμένη est. Causa συνεκλική continens & immediata est serofus humor in imo ventre subsistens.

Asciten infimi ventris tumorem & extuberantiam p. n. esse th. 2. & 3. dixi. Intumescit autem & extuberat venter, quia à seroso humore repletur. Hunc enim proximam, immediatam & continentem hujus intumescentiæ & protuberantiæ

causam esse nemini non notum, & ipsa confirmat experientia, quâ constat in hoc affectu tantâ copiâ in imo ventre serosum humorem coacervatum fuisse, ut *Clariss. Platero* teste, l.3. *Prax. p.m.* 253. paracentesi in vivis adhuc, vel sectione in mortuis factâ ejus sexaginta & plures libræ adhuc remanserint, cum multum prius de eo per pedes effluxisset. Et *Hercules Saxonia* l.3. *Prax. cap.* 23. centum & quinquaginta aquæ libras in Hydropico quodam observavit. Imò *Beniven. de abdit. sanit. caus.* cap. 12. cujusdam pueri meminit, cui solutâ umbelici unitate aqua tanto impetu erupit, ut supra ventrem cubitos tres ascenderet. Et *Fabric. Hildanus* cent. 5. p. 155. scribit se vidisse in Xenodochio Basiliensi hydropicam, ex cuius ventre triduo ante obitum rupto umbilico ultra mensuras octodecim Basilienses aquæ effluerant, & cum cadaver à *Clariss. Viro Dn. D. Thoma Platero*, præsentibus *Viris clariss. Dn. D. Caspar. Bauhin. Petro Ryffio*, multisq; aliis apertum fuisset, adhuc aquæ mensuras viginti effluxisse. Et quamvis sæpe etiam flatus adsint, ut jam *th.* 2. monui, tamen ii in hac hydropis specie non ita attenduntur, cum semper serosus humor superet, & à potiori fiat denominatio. Nec de necessitate est, ut semper flatus adsint, ut rectè monet *Nasius* l. c. Venter autem à seroso humore repletur, vel quia is sensim & paulatim congeritur, vel quia ἀφροίως & confestim influit. Unde etiam Ascites seu tumor ventris aliquando subito & confestim, aliquando sensim & paulatim accidit, scilicet prout humor iste vel per ῥέματα μὲν, vel per σπυγδαίον μὲν colligitur. Colligitur verò & continetur humor serosus plerumque in cavitate ventris inter Zirbum & Siphac, ut Arabs loquitur, intestina & peritonæum, ut *Gal.* vult in *introd. cap.* 3. aut etiam inter omentum & intestina, ut 7. *aph. cap.* 5. habet, unò verbo inter partes in imo ventre contentas. Equidem *Vidus Vidius* de *curat. membr.* l. 10. c. 5. *Jacchin. comm.* in 9. *lib. Rhaf.* c. 52. *Liddel. Art. Med. lib.* 3. *cap.* 2. & *Petrus Nosolog. Part.* 2. *Disput.* 35. etiam inter peritonæum & cutem abdominis externam illum quandoque redundare, tradunt. Et *Riolanus Anthropograph.* l. 2. *cap.* 12. in muliere quadam hydropica serosum humorem inter peritonæum & abdominis musculos observavit,

fervavit, qui eò pervenam umbilicalē erosam & fistulosam in-
 fluxerat. Similiter Clariss. *Sennertus Paralipomen p. 150.* tumoris
 cujusdam rari & miri inter peritonæum & musculos abdo-
 minis, qui in fœmina quadam hydropem mentiebatur, memi-
 nit. Verum rarissimum hoc. Sæpè autem is colligitur in ve-
 siculis hydatidibus dictis, quæ vel peritonæo, mesenterio, inte-
 stinis, aliisve partibus internis adhærescunt. Harum ex vete-
 ribus Græcis *Arætaus* meminit, *l. 4. de sign. morb. acut. cap. 1.* eas-
 que recentiores plurimis observationibus confirmarunt, atque
 illustrârunt. Admirandam illarum historiam habet *Corbæus*
comm. 5. ad l. 1. Hipp. de morb. mulier. ubi scribit mulierem quan-
 dam hydropicam Lutetiæ Anno 1587. mortuam esse, in cujus
 eviscerato cadavere nulla capacitas, i. e. nullum cavum depre-
 hensum fuit, in quo nō vesica pendeat, loco illi exactè æqua-
 lis & conformis, qui suo ambitu ipsam contineret. Locos au-
 tem cavos dicit fuisse non vesicam tantum, renes, uterum, sed
 & ventriculum, intestina, cor, pericardium, & id genus reli-
 qua, è quibus pro ut tam intus, quàm foris cuiq; locus ob-
 rigisset, cystes pendulæ conspiciebantur aquâ citrinâ op-
 pletæ, & sine omni fœtore etiam post 20. diem. Nec partes
 supernas exceptas fuisse ad jugulum usque, sicut neque hepar,
 neque lienem. Et si quis universas in numerum redigisset
 800. numero superasse, dicit, &c. Similem ferè historiam re-
 censet *Horst. Epist. Med. l. 2. f. 20.* Matrona quædam inquit, An-
 no 1612. suppressis mensibus, incidit in hydropem, vacuus &
 cavus alias erat totus venter, consumpta omnia, pinguedo in
 mesenterio nulla, subsidit ventriculus penitus, sed in omni-
 bus intus viscerib. stabulabatur ingens aquæ copia ultra men-
 suras 60. ipsa quæ viscera plena erant vesicis duplicatis, veluti
 in carpionibus eximuntur, è quibus materia viscosa & aquosa
 sectis erumpebat: ejusmodi vesiculis pendulis (numerus ex-
 cessit nongentas) scatebant renes, uterus, ventriculus, inte-
 stina, cor, pericardium, epar & lien, &c. Aliam observatio-
 nem habet *Tulpius l. 2. observ. cap. 34.* de filia hydropica cujusdam
 Pharmacopolæ, in qua post obitum dissecta insignis in mesen-
 terio repertus est tumor libras 20. ponderans, tectus quidem
 extrinsecus membraneo involucro, sed intus pluribus vesicu-
 lis aqua

lis aquâ limpidâ distentis refertus. *Zacutus* verò l.2. *Prax. admirand. observ.* 45. scribit, se in muliere quadam paupere, cujus venter in immensam molem cum summa corporis tabitudine & gracilitate distentus erat, post obitum ventre resecto inter peritonæum & intestina duas vesicas observasse, quarum una bovinæ vesicæ urinariæ prægrandis magnitudinem superabat, quibus disruptis tanta fœtidæ aquæ copia mucoso humore permixta effluxit, ut vas 30. librarum capax adimpleret: Et l.8. *hist. princip. Med. hist.* 524. *observ.* 28. narrat Baronis cujusdam conjugem quinquagenariam Ascite septennio laborasse, apertò verò post mortem venter inter peritonæum & intestina numerosam vesicarum struem inventam fuisse, quæ bullæ aquatilis instar molles & lucidæ erant, inter se conjunctæ numero 52. & magnitudinem ovi non excedebant. His disruptis limpidæ aquæ at falsissimæ tanta copia emanavit, ut 12. libras adimpleret. *Solenander* etiam *sect. 5. consil.* 15. p. 489. scribit, se vidisse Hydropicum, in cujus latere sinistro sub splene intra peritonæum & musculos ventris natura fecit aperturam, ex qua extraxit vesiculas plures quàm ducentas, ovi gallinacei magnitudine, molles & aquæ putridæ plenas. Atque aliquot de hac Hydropis specie observationes etiam collegit *Schenckius* l.3. *observ.* Ipse, etiam cum adhuc in Celeberrima Leidensi Academia Medicinæ operam navarem, in Hydropici venter post obitum in Nosocomio aperto plurimas hydatides peritonæo & diaphragmati adhærescentes notavi. Potest-que hæc Hydropis species forsan non malè Vesicularis appellari. Atque has observationes hîc potissimum citavi, ut etiam ex illis constaret, non solius hepatis, sed & aliarum partium vitiò, uti jam th.4. monui, hydropem Asciten fieri posse. Cæterum quid per serosum humorem intelligam, rectè jam explicandum. In genere & latè serosus humor teste *Sennert. Inst. Med. lib.* 2. p.2. *cap.* 27. omnis humor aquosus tenuis & fluxilis dicitur, strictè verò & in specie is saltem, qui non solum aquosus est, sed & ob quandam falsedinem cum sero convenientiam habet. Hînc quatuor, quæ humoris serosi nomine hîc venire possunt, invenio. Primò serosus humor appellari potest aquea illa humiditas sive cum cibis ingesta per se, sive ex

cibis expressa & chylo affusa, quæ à *Carolo Pisone de morb. serof. in præfat. th. 1.* improprie serum appellatur. Secundò sanguis aquosior & dilutior, qui vulgò *ἰχωρ* dicitur. Tertiò tenuis, acris & salsus humor, qui proprie serum & *ὀρρό* nominatur: Ut ut hæc duo vocabula sæpè synonyma sint, & sæpicule serum nomine ichoris, & ichor seri nomine appelletur, ut ostendit *Hoffman. in collect. de Ichor. num. 12. & 13.* Qui etiam non malè ichorem in mitem & acrem distinguit, illumque sanguineæ massæ partem tenuiorem & dilutiorem esse dicit, acrem verò illud tenue, quod à sanguine & humoribus seu colliquatis, seu corruptis, seu quacunque de causa salsis & acris oritur. Omnino enim docente *Sennert. l. c.* ad seri naturam pertinet, ut non solum humidæ & aqueæ substantiæ sit, sed & falsuginem quasi quandam in se contineat. Quartò colamentum illud renum in vesica collectum, urina dictum. Quippe & ab hoc vesicâ disruptâ Asciten ortum fuisse, *Benivenius* observavit, ut jam *th. 4.* dictum; & similem Asciten etiam clarissimus *Platerus* vidit in quodam viro, cui benè poto humiq; strato alius quidam in ventrem insidens, eò impetu vesicam disruptit, atq; sic lethali Ascitæ occasionem præbuit, ut scriptum reliquit *l. 3. Prax. p. m. 265.* Atq; hæc quatuor nomine serosi humoris intelligo, & ab his Asciten excitari posse, puto. Quapropter etiam in horum vocabulorū acceptione imposteriorum ita religiosus non ero, cum nec ipsi Medici Practici hæc ita strictè observent, sed modò hunc humorem serum a solutè, modò aquam falsâ humiditate permixtam, sæpicule verò aquosum humorè appellent. Rarissimè tamen Ascites oritur ab urina, rarò etiam ab aquosâ illa humiditate, cum vix illa pura puta in corpore reperiatur, sed ut ipse etiam *Piso l. c. th. 2.* fatetur, humores inter decurrendum per vasa abstergat, diluatque, & sibi necessariò immisceat partem aliquam ex iis ichoribus, qui in sanguine redundant, eamque sibi affusam secum devehat, & transportet, quocunq; fertur. Præterea serofus hic humor varii sæpè coloris in ventre reperitur. Plerumq; pallidus & citrinus est, unde Germanis etiam *das gelbe Wasser* dicitur. *Marcellus* tamen *Donatus hist. med. mirab. l. 4. c. 21.* luteum & viridem observavit. *Garinonius*

390
consil. 194. flavum in nigrum vergentem. *Fabr. Hildanus cent.* 2. *obs.* 57. loturæ carniū recens maſtatarū ſimilem : *Scholiogra-*
phus ad c. 39. *l.* 1. *de int. morb.* *Holler.* planè cruentum & loturæ car-
niū ſaturatæ ſanguine ſimilem vidit. Eſt autem hic humor,
vel dum colligitur, talis, vel antea non eſt talis, ſed per cor-
ruptionem, ſive alterius humoris admixtionem talis evadit.
Præter hanc cauſſam, ſeroſum ſcil. humorem *Herc. Saxonia &*
Alexand. Benedictus alias adhuc cauſſas ponunt. Et *Herc. Saxonia*
etiam à ſanguine Aſciten fieri aſſerit, ſcribitq; *l.* 3. *Prax. cap.* 32.
fuiſſe quendam religioſum, qui patiebatur Herniam, & cū
ſemel factus eſſet inteſtinorum prolapſus, repente factum eſſe
hydropicum, & eādē etiam die tabidum. Cū verò poſt
14. dies mortuus eſſet, inventas fuiſſe 10. vel 14. libras ſangui-
nis, quibus evacuatis venter ita detumuit, ut nulla amplius
moles conſiſteret. *Alex. verò Benedictus l.* 15. *Prax. cap.* 28. putat
Aſciten etiam fieri poſſe ab excrementis vel pure, cū nimi-
rum inteſtinō, aut jecoris apoſtemate ruptō ventris cavum eis
excrementis impletur, vocatq; Barbarorum more Aſciten pu-
rulentam & excrementitiā. Et compertum etiam eſt, pus ex
rupto epatis abſceſſu in ventris cavitatem effuſum fuiſſe, & tu-
morem excitāſſe, ut notat *Sennert. l.* 3. *Prax. §. de inflam. Epatis.*
Ab alvi etiam excrementis ex inteſtinis vulneratis elapſis &
intra peritonæum collectis in uxore cujuſdā Medici ventrem
in tantam molem diſtentum fuiſſe, ut vix genitales ſuas partes
manu propriā contingere quiverit, (ſordium enim tanta fuit
quantitas, ut quatuor urnas implere potuiſſent, quarum ſingu-
læ quadraginta libras continent: in qua tamen miſeria miſera
annos [plus minus] duos vixit) *Benivenius l. c. cap.* 35. teſtatur.
Verū enim verò diſtinguendum eſt inter tumorem ventris
abſolutè ſic dictum, & Aſciten ſeu tumorem ſeroſum: ille à
vario humore, & variis cauſſis fieri poteſt; hic non niſi ab hu-
more ſeroſo: adeoque latiùs patet tumor ventris ita dictus,
quam Aſcites. Et Aſcites eſt tumor ventris, aſt non omnis tu-
mor ventris eſt Aſcites. Porrò ex Hermeticis *Crollius p. Seve-*
rinus & Scheunmannus Aſcitæ cauſſam proximā ſtatuunt ſal alu-
minofum microcoſmi reſolutum. Horum anteſignanus fuiſſe
videtur *Paracelfus*, qui *l.* 2. *de tartar tr.* 2. *cap.* 6. & *infrag. de tart. §.*
de Hydro-

de *Hydropisi*, Hydropem definit quod sit passio in regionibus epatis orta ex tartaro aluminoso sub primo corpore per resolutionem propriæ naturæ, deinceps per spiritum mineralem illius membri unius ex septem totius corporis, is post resolutionem primam secundam sequitur, hoc est, ab extra, vel intra, vel extra regionem per totum corpus. Et quoniam ipsi septem sunt membra principalia, cerebrum scil. cor, pulmones, hepar, lien, renes & fellis vesicula, & per consequens septem spiritus minerales, septem etiam Hydropis genera constituit, eorumque signa & curationem ibidem prolixè tradit. Et hydropem ex sale partiū microcosmi resolutō fieri, adhuc expressius *l. 4. cap. prop.* docet, ubi allegoricè illud per imbrem declarat, tandemque concludit, sale corrupto, atque partibus in aquam resolutis de vita actum esse: Vel ut ipse loquitur: Und so die Glieder zu Wasser werden über den Regen so hinein fält/ so wisse das der Tod ist/ der nächst zu fält, &c. Verum in horum refutatione nolo esse prolixus. Quis enim non videt ineptam & insulsam hanc esse opinionem. Ecquis tam infrunni ingenii est, ut credat ex sale horum viscerum ab influentia interni cœli microcosmici seu stellæ hydropicæ resolutō tantam aque copiam in ventre colligi posse? Equidem humor serosus in corpore hydropicorum collectus salsus est, attamen illam salsedinem non habet à sale viscerum resolutō, sed potius à sale crudo, qui cum alimentis, quibus sæpe copiosè inest, assumitur. Si enim alimenta in ventriculo non benè coquantur, & fermentatione, ac *πυρρώσας* puriora, subtiliora & spirituosiora reddantur, chylus partibus crassis, salsis ac tartareis permixtus ad hepar & cor propellitur, atq; sic crudi, crassi & fixi humores, seu ut Chymici loquuntur, tartareorum humorum coluvies in corpore coacervatur. Proinde hydrops ex sale resolutō non fit, sed potius, si ex Chymicorum principiis loqui libet, salis *σώματος* in aquoso humore abundat, ut rectè loquitur *Sennert. lib. 2. de febr. cap. 17.* Cæterum quamvis in hoc aliisq; multis Paracelsus non sit laudandus, attamen non prorsus propterea damnandus atque omnibus convitiis insectandus. Nam & plurima egregia ejus scripta habent, quæ suam

laudem etiam merentur. Quare illos laudare non possum, qui sæpe sinistrè & mutilatè Paracelsum allegant, alienumque sensum ipsius verbis affricant, ut sic illum aliis magis contemptiorem reddant. Quod etiam in hoc affectu ab aliquibus factum, dum simpliciter scribunt, Paracelsum §. de Helleboro novam & absurdam hydropis causam effingere, dicendo Hydropem eodem modo exsurgere, veluti Moyse virgâ suâ rupem in Horeb percutiens aquam effluere fecit. Sic autem ille *Tom. 7. l. 7. p. m. 43.* So ist in guten wissen / das im Menschen ein Brunn auffsteiget / von dem Wasser gehet so viel / das nicht gläublich ist denen / die es nicht gesehen haben / gleich als hette Moyses mit einer Rütchen in die Leber geschlagen / vnd laufft nichts herauß als Wasser für vnd für / (als vielleicht nicht wol anders seyn mag / dann das Gott also ein Rütchen schlegt / wie Moyses.) Nun aber dieweil Gott gnädig ist / so gibt er auch Arzney widerumb / &c. Hæc sunt ipsissima Paracelsi verba. Quid autem per hæc intellectum velit, facile intelligere est. An autem illud modò citatum contineant, & an ita absurdè & impiè hîc loquatur, benivolo lectori judicandum relinquo.

V I.

Causa *πενυγμική* est humor serofus, qui in corpore ejusve parte determinata coacervatus nondum effluxit, aut effluere, & imum ventrem in tumorem attollere potest.

Serofus humor, qui causa Ascitæ, duplici ratione vim & naturam causæ induit. Vel enim est causa proxima & continens, quatenus nimirum jam effluxus infimum ventrem actu in tumorem attollit: vel est causa antecedens, quatenus nimirum in habitu corporis vel aliqua ejus parte coacervatus nondum effluxit, aut in imi ventris cavitatem influxus, aut etiam intra tunicam partis alicujus externam subsistens, & hydatides excitando eundem in tumorem p. n. attollere potest. De hac autem causa, scil. qui humor serofus in Ascite coacervetur, & ad imi ventris cavitatem perveniat, valde Medici inter se litigant. Galenus & ad unum ferè omnes, qui cum Galeno
in omni

in omni Ascite hepar affectum esse contendunt, humorem serosum coacervari statuunt, ob hepatis sanguificationis frustrationem. Verum ut ut in hoc cum Galeno consentiant, attamen de causa frustratae sanguificationis maximè dissentiunt. Quippe Aegineta, Aëtius, Celsus, Actuarius, Aretaus, Trincavellius, Jacchinus, Valescus de Taranta, Montanus, Mercurialis, Massaria, J. C. Claudinus, Corresius, Erasius, Joel. Zacutus, &c. cum Galeno nominant intemperiem frigidam. Contra Avicennas, Averroes, Rhases, Arculanus, Niculus, Alex. Benedictus, Trallianus, Christ. à Vega, Platerus, Smetius præter intemperiem frigidam etiam calidam admittunt. Cardanus verò Argenterius & Campanella solam intemperiem epatis calidam & siccam concedunt. Verum enim verò

Non nostrum inter eos tantas componere lites.

Paucis dicam: Serosus humor coacervatur, vel quoniã copiosè generatur, vel nō nimis copiosè genitus retinetur. Generatur copiosior vel vitio materiæ, vel vitiō causæ efficientis. Vitiō materiæ quando multi cibi aquosam & serosam substantiam nimiam habentes assumuntur, de quibus th. 7. Vitiō causæ efficientis, hepatis sc. lienis, & quandoque ventriculi & cordis, cū sc. frigida vel calida sunt. Frigida ob acceptam intemperiem frigidam, vel ob calidi nativi aut defectum, aut dissipationem, aut extinctionem. Calida, ut in colliquatione, quando sanguis ab ardente calore colliquatur, & serum, ab eo segregatur atque separatur, unde ὑδρωδεῖς καὶ αἵμασις fiunt, ut Galenus loquitur l. 3. de sympt. caus. c. 2. id est, subitanei hydropes, ut Doctiss. Hoffmannus interpretatur, de loc. aff. l. 3. c. 4. & in collect. de Ichoribus n. 95. Horum etiam meminit Hippocrat. 2. prog. 1. & 1. Epid. s. 2. t. 35. & 36. scilicet, quando illud colliquamentum per alvum aut vesicam non evacuatur, sed per arterias in ventrem eructatur. Et vero simile est etiam ipsas hydatides, quarum generationem se ignorare, ingenuè fateatur Aretaus l. c. Carol. Piso verò de morb. seros. p. 314. ex puris parte aliqua concrecente & à calore excocta fieri putat, ab hoc ipso colliquamento fieri, cū nimirum illud serum per capillares ramos in partem illam, cui ipsæ hydatides adhærent,

delatum & exitum non habens membranam ejus externam
divellit, atque distendit. Est autem colliquatio hæc, quæ
συντηξίς Galeno, non propriè dicta, qualis in febribus ardenti-
bus & hecticis accidit, cum pinguedo & caro diffluit & colli-
quatur, sed *συντηξίς* impropriè dicta, quæ *συνκαυσις* potius,
ut bene monet *Hoffmannus l. c.* & *ὅιον ἀνασιχείωσις ἢ αἰάλυσις*,
ut *Galenus l. c.* explicat; fit enim saltem resolutio & segregatio
feri. Idcirco hanc Hydropis speciem non videntur bene in-
tellexisse *Liddelius* & *Petræus*, qui scribunt hydropem ex colli-
quatione fieri, quando ex colliquatione corporis & succorum
in venis multa sanies sub cute colligitur. Cum tamen expres-
sis verbis *Galenus* & *P. Salius l. c.* doceant, eum non fieri à colli-
quatione pinguedinis, vel carnis, vel partium solidarum, sed
duntaxat à resolutione massæ sanguineæ in ichorosum hu-
morem. Sed quæreret hîc aliquis, an *συντηξίς* sive *ἀνάλυσις*
hæc etiam posset fieri à frigore, sicut in sanguine V. S. emissio,
ubi sanguine concretò serum seorsim existit. Verum non
credibile videtur tantum frigus in corpore adhuc vivo existere
posse. Coacervatur tandem aliquando serosus humor, licet
copiosius non generetur, quia, ut debebat, non evacuatur,
quando scilicet renum expultrix debilitata, aut eorum paren-
chyma à calculo contritum est, aut quando renes, ureteres, ve-
sica aut cutis pori obstruuntur.

Cæterum quomodo & per quas vias serosus hic humor ad
ventris cavitatem perveniat, maximè quoque à Medicis con-
trovertitur. *Avicenn. l. 3. can. fen. 14. tr. 4. c. 5.* putat serosum
humorem in capacitatem ventris commeari vel per resuda-
tionem jecoris & venarum; vel per vasa umbilicalia à seroso
humore humectata & rarefacta ac distenta; vel per alias vias
nobis incognitas. Obscurè de his loquitur *Hippocrates 7. aph. 55.*
dum inquit: quibus hepar aquâ refertum in omentum erupe-
rit, is venter aquâ repletur, ac moriuntur. Hoc *Galenus* in-
terpretatur de hydatidibus epatis, quibus disruptis aquam in
eam peritonæi regionem influere ait, quæ est secundum
Πιγασπίον, id est, inter peritonæum & intestina, in omenti
autem cavitate colligi posse illum humorem negat, nisi id
ipsum

ipsum erodatur. Aliter ac eleganter hunc Aphorismum explicat *Spigelius* 8. de corp. hum. fabr. cap. 6. ubi tres vias describit per quas serosus humor in cavitationem ventris venire potest. Primam dicit esse exteriorem jecoris partem, quam tegit membrana à peritonæo oriunda, & quæ nullô modo omêto includitur, aut eidem etiam alligatur. Ex hac parte hydatidibus disruptis serosi humoris fluxionē in ventris cavitationem fieri posse asserit, vel etiam citra vesiculas, perruptâ illâ membranâ à magna serosi humoris copia, vel exesâ etiam à nimia feri acrimonia, vel etiam sine manifesta continui solutione, sive tunicæ & membranæ exterioris, sive etiam ipsius substantiæ per cæcos nimirum membranæ ductus ampliores factos ob membranæ à copiâ humoris dilatationem atq; attenuationem. Alteram viam statuit esse venas per omentum disseminatas, si nimirum earum tunica humoris copiâ dilatetur vel acrimoniâ exedatur. Tertiâ viam Galeno & recentioribus hætenus ignotam dicit esse lobulum in cava hepatis parte juxta portas hepatis situm, substantiâ mollissimâ & tenuiore membranâ cinctum, qui in ipsam omenti cavitationem totus exporrigitur. Per hunc lobum commodissimè serosum humorem in omenti cavitationem ex jecore erumpere posse asserit, qui rursus ex omento in ventris capacitatem de facili influit, cum ob raram membranæ texturam aquam retinere non possit; quod aliquando aquâ infusâ in Theatro Anatomico Leidensi publicè demonstravit *D. Falcoburgius* Celeberrimus & accuratissimus Anatomicus. Cæterum *Sennertus* l. 3. Prax. l. c. probabiliorē eorum putat esse sententiam, qui statuunt è venæ portæ propaginibus per omentum sparsis, & præcipuè ramo gastroepiploico dicto in omentum serosum humorem in venæ portæ ramis subsistentem fluere, & hinc vel tunicis earum rarefactis, aut osculis patefactis in cavitationem imi ventris stillare. *Fernelius* autem l. 6. de morb. part. & sympt. c. 8. omnes turpiter hallucinari affirmat, qui putant per angustos cæcosq; poros serosum humorem transmitti in capacitatem abdominis. Ipse verò statuit istud maximè fieri ex soluta continuitate partium, aut vasorum, quibus humores contineri solent, adcoque vult serosum illum humorem in ventris cavitationem descendere

scendere, quoniam exesum, apertum, ruptum fissumque aliquid est, sicuti suppurans Pleuritis exesâ, aut discissâ pleurâ statim irruit incapacitatem thoracis, &c. Novum etiam nulliq; hætenus animadversum feri generationis & collectionis modum proponit Georg. Grassseccius l. de Autograph. vit. human. delin. jatric. c. II. & in præfat. ad lector. docendo: aquas illas nullo modo vitio hepatis in abdomen confluere, eò quòd hoc ipsum excrementa sua per venas emulgentes & hinc per ureteres evacuare possit, sed ex longo longè altiore principio, viscerisq; vitio & malignitate, supremo scilicet & medio ventre (cùm hi duo ventres quasi contabescant, infimusque tantò magis extendatur) intra cutem colligi. Verùm nugæ hæc sunt. Ego, ut multa paucis comprehendam, serosum humorem in capacitatem imi ventris descendere puto, viarum vitio, quando illæ aperiuntur vel per ἀναστόμωσιν, vel Αἰρίεσιν, vel Αἰγνήδησιν. Per vias autem hîc intelligo venas & arterias omenti & mesenterii. Quid ni enim natura serosi humoris redundantia laeessita & per has in ventris cavitatem eum effundere posset, & cur non sponte etiam per erosa vasa in ipsam capacitatem defluere posset? item venas lacteas. Nam & ex harum ruptione in viro quodam generoso Asciten ortum fuisse, observatum: & expressis verbis idem docet Avicenna l. c. Colligitur, inquit, etiam aquosus humor in capacitatem ventris, quando venæ, quæ chylum deferunt, aut franguntur, aut corroduntur, &c. De venis autem lacteis non possum non unicum adhuc hîc monere, nimirum Asellium, quando dicit hæc venas miris anfractibus, gyris, mæandris, flexibus & circumvolutionibus per pancreas disseminari atque intorqueri, non intelligere corpus glandulosum ventriculo substratum, quod vulgò pancreas, & calicreas Anatomicis dicitur, sed magnam illam glandulam, quæ in medio mesenterii est, quam Pancreas Asellius in tractatu suo de venis lacteis p. 8. 25. 37. & 38. nominat, eamque litera L. in tab. 1. & 2. designat. Unde apparet Clarissimos Viros Dn. Sennertum, Laurenbergium & Coringium (quod pace tantorum virorum dixerim) Asellium non benè intellexisse, nec minùs graviter errasse. Sennertus enim l. 3. Prax. p. 3. c. 1. & 7. pag. 436. & 456. Laurenberg. Colleg. Anatom. Exercit. 5. de pancreate

pancreate th. 26. & Coringius de sangu. gen. & motu n. exercit. 1. c. 3. p. 11. & 12. per pancreas, quod Asellius vocat, intelligunt pancreas vulgò dictum, quod ventriculo substernitur, & omnia ea, quæ Asellius suo pancreati, id est, glandulæ illi magnæ mesenterii attribuit, illi de vulgari pancreate accipiunt. Propterea etiam *Sennertus* nobiliorem usum pancreati assignat, sicut videre est. *l. c. p. 456. §. de pancreate, &c.* Sed hæc ἐν παρῳδῳ. Ad vitium viarum etiam pertinent fissuræ parenchymatis hepatis vel lienis; renum vel ureterum exulceratio & erosio: quas *Platerus*, *Beveroviti* & *Corbæus* observarunt: Item harum aliarumque partium hydatides, in quibus serum paulatim colligitur, quæ si tandem rumpantur, etiam magna serosi humoris copia in capacitatem ventris effunditur: Item vesicæ vulnatio, quæ etiam aliquando *Asciten* lethalem excitavit, *Platero* & *Benivenio* teste. Atque pro harum causarum variatione & magnitudine etiam *Hydrops* vel sensim & paulatim, vel subito & confestim oritur. Equidem non sum nescius, plurimos Medicos eum hydropem, qui fit subito à colliquatione sanguinis, vel ruptione, aut erosione prædictorum viscerum, pro vero hydrope non agnoscere: Verùm rationes, quas afferunt elumbes sunt, & meræ petitiones principii. Videamus saltem argumenta *Petri Salii Diverfi*, quibus probare conatur, à causâ viscerum calida & colliquatione sanguinis non posse fieri hydropem. Primum est, quia hic tumor ventris non magis generatur vitio hepatis, quàm aliarum corporis partium, & quidem ab intemperie calida. Alterum est, quia materia, quæ in hoc casu, vi colliquationis gignitur, potius est calida, quàm frigida: at in verò hydrope omnis materia est frigida. Tertium, quia verus hydrops sensim generatur, at hic subito, ita, ut ipse observârit, unicâ vel alterâ die à colliquato fero ventrem adeò intumuisse, ac si *Ascite* per menses plures ægotantes laborassent. Verùm hæc tantum dicuntur non autem probantur. Quibus rationibus probat, quòd omnis verus hydrops fiat sensim, & quod ejus causâ continens semper debeat esse frigida? & tandem quæ necessitas, ut omnis hydrops fiat solius hepatis vitiò, & quidem ab intemperie frigida? Quoniam *Galenus* hæc dicit. Illud nimirum est

quod bonis viris umbram facit. Et certè si ejusmodi imi ventris tumores à seroso humore oriundi nomen hydropis seu Ascitæ non merentur, ad quam quæso, tumoris speciem erunt referendi, & quo nomine appellandi? non ad inflammationem, non Erysipelas, nō œdema, non scirrhum, non ἐμφύσημα, aut alium similem tumorem, quia hi non fiunt à sanguine, aut humore bilioso, pituitoso, melancholico, aut flatibus, aut alia substantia solida, sed ab humore aquoso seu seroso, qui hydro pes, id est, aquosos tumores constituit. Quippe, ut th. i. jam demonstratum, ὕδρωψ ἀπὸ τοῦ ὕδατος, aquâ nomen habet, & in genere omnes tumores aquosos sive serosos denotat, ideoque & hi tumores nomine hydropis meritò gaudent.

V II.

Causa Ascitæ προκαταρχική preincipiens, est omne illud, quod primam hujus mali occasionem præbet; sive quod causam προηγμένην excitare & movere potest.

Causas προκαταρχικὰς nomino, quæ causas προηγμένας præcedunt, easque ad morbum inducendum excitant & movent, sive externæ, sive internæ illæ fuerint. Sic causæ προκαταρχικαὶ Ascitæ sunt, quæcunque ad generationem & collectionem serosi humoris primam occasionem suppeditant, aut quæ προγονικῶς morbosam movent & excitant. Tales sunt 6. res non naturales Medicis dictæ; Aër sc. cibus & potus, somnus & vigilia, motus & quies, excreta & retenta, atque animi παθήματα. Primò aër hic nocet frigidus, crassus, humidus & nebulosus, Autumnalis imprimis & Vernalis, quatenus superfluos humores & cruditates generat, vel generatos variè agitat & commovet. Neque calidior justò hîc eximendus, quatenus ad adustionem & colliquationem humorum occasionem præbet. 2. Cibus & potus, sive esculenta & potulenta peccant, quatenus materiam serosam suppeditant, vel calidum innatum extinguunt, qualia sunt cucumeres, melones, pepones, persicæ, lactuca, beta, atriplex, quam olim

olim à Pythagora, quod hydropem facere putabatur, damnatam fuisse, scribit *Plinius*: aliaque oleracea, ob quorum esum Heraclitus cum in montibus vitam duceret in hydropem incidit, eoque interiit, ut testis est *Laertius*. Aquæ, vel cerevisiæ glaciæ vel aquâ refrigeratæ, præcipuè post æstum aut balneum corpore adhuc æstuante potatio: vel alterius gelidi potûs post motum corporis, à quo corpus incaluit avida ingurgitatio, quæ vel maximè noxiva. Si refert *Clarissimus Beckherus Acad. Regiom. Profess. & Regis Pol. atq; Aule Elector. Prut. Archiater celeberrimus, Fautor & Amicus meus pl. honorandus, Microcosmolog. Disp. 9. th. 4. q. 2.* Sponsum quendam ductis choreis excalectum post potum gelidum avidè haustum extemplò male habuisse & tertiâ die obiisse, ejusque hepar denigratum & gangrænâ corruptum fuisse. Et quis ignorat, sæpe messores, aliosque, qui in nimio æstu aquam aut cerevisiam secundariam avidè biberunt, aquâ in abdomine restante, aut calido nativo extincto in hydropem incidisse? Habetque hujus rei observationes etiam *Sennertus & Piso*. Et ipse memini me in Nosocomio Leidensi puellam quandam 9. annor. vidisse, quæ post largiorem gelidæ aquæ haustum in Asciten incidit, & brevi mortua est. Tandem esculenta & potulenta etiam nocent, quatenus calidum nativum & spiritus dissipant, ut calidorum aromatum, vini generosi & aromatici, vel spiritus vini usus nimius. Ad hanc classem etiam referri possunt medicamenta frigida & calida, item fortia purgantia & venena, quæ etiam calidum innatum extinguere, dissipare, vel specificè corrumpere possunt. Quantum autem gulosa & luxuriosa diæta & ingluvies possit, nemini non notum. Et verissimum est illud: Τὸ ποικίλον τῆς Διαιτῆς ποικίλα νοσήματα τῇ τήλει. Si enim majori copiâ alimenta assumantur, quàm ut in ventriculo benè concoqui possint, accidit, ut quæ in coctione necessariò fieri debebat fermentatio, Ζύμωσις & πνέμασις, impediatur, & partes crassæ, tartareæ & fixæ crassam fixamque suam naturam deponere, ac spirituaſcere, rareſceri ac volatiles reddi, ut debebant, non possint, partesque impuræ, inutiles ac tartareæ ab utilibus & puris probè separari nequeant, sed chylus fœculentus & impu-

rus ad partes secundæ coctioni inservientes pellatur; quod vitium cum in secunda coctione corrigi non possit, fit, ut sanguis crudus relinquatur, neque à partibus falsis & tartareis, quæ in prima coctione separari debebant, mundetur, unde etiam corpori non benè assimulatur, sed in primis viis subsistit, atque sic fecundissimum multorum morborum seminium existit. 3. Somnus & Vigilia si modum excefferint, nocent, *Hippocrat.* teste 3. *Aphor. sect. 2.* Hæc, quia spiritus dissolvit, calorem nativum debilitat, corporisque vires labefactat: ille quia humores cumulat, calorem corporis hebetiorem atque spiritus torpidos reddit. Quies etiam diuturnior & exercitationis intermissio mali generationem promovet, dum multa excrementa in corpore retinentur, calorque non excitatur & ventilatur. Contra motus nimius & intempestivus spiritus exhaurit, calorem corporis dissipat, humores movet, & sæpè obstructions parit. Multum verò hîc conferunt suppressæ evacuationes, per quas natura vitiosos & abundantes humores evacuare solet, ut consuetæ hæmorrhoidum & mensium suppressæ purgationes quæ calorem nativum suffocant, & ferè extinguunt. Nec levem occasionem ad hujus affectus generationem præbet sanguinis per hæmorrhoides, menses, hæmorrhagiam narium, vel alterius materiæ, ut in Diarrhæa, aliove alvi fluxu, nimia & longa evacuatio. Nimia etiam Venus mirum quantum corpus enervat, atque spiritus animales dissipat. Tandem aliquid etiam hîc facere possunt perturbationes, aliæque animæ molestiæ, quarum immoderatione etiam calor & spiritus emarcescunt.

VIII.

Differentia Ascitæ desumi potest I. A' subjecto causæ antecedentis. II. A' causâ continente. III. A' modo generationis. IV. A' tempore. V. Ab adjunctis.

I. A' subjecto causæ antecedentis: Ascites alius dicitur provenisse ab Epate; alius à Liene; alius à Renibus, Vesica, Utero, &c. II. A' causâ continente: alius est ab aqua pota, vel

ta, vel alia potulenta materia, parum vel nihil immutata; alius ab ichoroso humore, alius à serô propriè dicto; alius ab urina. Hinc etiam hic humor nunc pallidus, nunc citrinus, modò flavus, modò cruentus in hydropicis observatur. Præterea nunc major nunc minor ventris tumor est, à majore vel minore serosi humoris copia. Tandem serosus humor quandoque in vesiculis hydatidibus dictis continetur, quandoque & ferè ὡς Πι το πολὺ in ipsissima ventris cavitate subsistit. 3. A modo generationis: Ascites alius dicitur ortus à sanguificatione vitiata; alius à colliquatione humorum in vasis; alius à fissura & vulnere hepatis, lienis, renum, ureterum, vesicæ, &c. Alius etiam subitò; alius sensim factus. Alius per μετὰ πῶσιν; alius per Πιγέρεισιν ortus. *Castren. teste tract. cui tit. quæ ex quibus lib. 1. cap. 10.* 4. Temporis ratione, alius recens, alius inveteratus dicitur. Recens, qui non pridem incepit. Inveteratus, qui jam diu duravit. 5. Ab adjunctis: Hydrops est cum febre, alius sine febre, cum tussi, alvi fluxu & similibus.

I X.

Signa Ascitæ alia sunt Diagnostica; alia Prognostica. Diagnostica alia affectum ipsum, alia ejus causas ostendunt, alia à reliquis hydropis speciebus ventrisque tumoribus ipsum distinguunt.

Signa diagnostica, quæ ipsum Asciten certò indicant, & digito quasi monstrant, atque vulgò παθογνωμονικά appellantur, quæque ipsi non solum propria sed & inseparabilia sunt, sicut id de signis pathognominicis 1. aph. 17. & alibi Galenus requirit, hæc sunt: Venter imus intumescit, superiores partes gracilescent & contabescunt, æger de latere in latus conversus murmur & fluctuationem quasi aquæ sentit, tumorque latus, in quod decumbit, sequitur. Facies plerumque pallêscit. Cutis ventris mollis & laxa est, similisque corio in aqua diu madefacto. Venter percussus sonum veluti uter aquâ semiplenus edit. Tandem malo crescente, & præsertim in eo Hydrope, qui sensim fit, tumor ad fœmora, pedes & scrotum cuniculis quasi factis sensim descendit, maximè post stationem, aut

ambulationem. Pedes impressi digiti vestigium retinent. Dispnaea accedit insignis ob aquae copiam diaphragmatis motum impredientem, praecipue cum eger decumbit, praecipuumque est symptoma, de quo maxime conqueritur. Quippe vehementer ipsum angit, & quidem ita, ut saepe suffocationis periculum cum compressivo cordis dolore sentiens Orthopneumaticorum instar erecta cervice sedens respirare cogatur. Sitis etiam valde Hydropicos excruciat, ut haut immerito illam clamorosa, id est, inextinguibile Avicennas vocarit. Nam quo plus aegri ei succurrere ingenti potu laborant, eo plus sitiunt, juxta illud Ovidii l. Trist. 7.

——— *Quibus intumescit suffusa venter abunda,
Quo plus sunt pota, plus sitiuntur aquae.*

Sitiunt autem intense, instar Tantalii, quoniam salsus & nitrosus ille humor (sic ipse Zacutus Galenicus illum nominat) in imo ventre praemora retentus tum calidior tum nitrosior redditur, ut affirmat Aetius, unde multi sicci & falsi vapores sursum attolluntur, qui os ventriculi, aëso-phagum & os exsiccant. Deinde quoniam vaporum insensibilis transpiratio ob pororum obstructionem denegatur & pulmonum cordisque debita ventilatio ob diminutam aëris attractionem impeditur, unde denegato refrigerio calor magis augetur, ac partes magis magisque exsiccantur, gliscescunt atque excandescunt. Quae de causa etiam haec sitis ingesto potu non sedatur, etiam sitotus ventriculus isto perfundatur, nisi ipsa causa, id est, serosus humor ex ventre tollatur: Quod optimè etiam sciuit Horatius. Sic enim ille 2. odar. 7.

*Crescit indulgens sibi dirus Hydrops,
Nec sitim tollit, nisi causa morbi
Fugerit venis, & aquosus albo
Corpore languor.*

Febris etiam lenta à vaporibus ab humore seroso putrescente elevatis quandoque excitatur. Dico quandoque, quoniam non de necessitate est ut febris semper adsit, sicut nonnulli opinantur. Urina pauca est, quia feri parum ad vias urinarias transit,

transit, interdum tin̄cta, rubra, vel aurea & crassa, aliàs cruda & aquea, interdum non adeò mutata. Pulsus ex Galeni sententia est parvus, creber, inæqualis cum tensione, &c. Signa caussarum Ascitæ, quæ & certioris prognostici & melioris & tutioris curationis ergò diligenter consideranda, commodissimè & rectissimè à causis prægressis desumuntur. Ut si quis aquam frigidam, aliumve potum avidiùs hauserit, in primis viis eum subsistere, & Ascitæ caussam existere, credibile. Ita medicamenta & alimenta calida copiosè assumpta, vini generosi & potentis potus intemperantior, calidi innati dissipati indicio esse possunt: Venena caloris extinctionem produnt: Hæmorrhoides consuetæ suppressæ, menses retenti, aliæve solita evacuatio suppressa, calidi nativi suffocationem indicat. Si febris quartana prægressa est, obstructions circa lienem suspicandæ. Si à scirrho hepatis, vel lienis, ejus signa latere non possunt. Si à colliquatione sanguinis, antecessit vietus calidus ex aromatis, vinis generosis, &c. præcessitq; vel etiamnum adest calor urens, vel febris. Si Ascites sit à vase alicujus visceris rupto, excretio sanguinis præcessit. Si à rene exulcerato, vel uretere rupto, dolor ea in parte perceptus fuit, & in urina aliquid puris interdum apparet, aliaque exulcerati renis indicia adsunt. Si urinæ retentio in causa sit, vesicæ ruptæ signa aderunt. Hæc ratione ex causis, quæ præcesserunt, & signis, quæ adsunt prudens & doctus Medicus facile cognoscet si ab alia adhuc causa, aut alia imi ventris parte affecta serum in ejus capacitatem fundente Ascites productus fuerit.

Cæterùm Asciten à Tympanite & Anasarca discernere nec id difficile. Quippe in Tympanite flatus in ventre abundant, unde etiam is percussus sonum Tympani instar reddit, & moles ventris minus gravis, quàm in Ascite sentitur, præcesseruntque rugitus & tormina diuturna circa umbelicum. Extrema insuper non adeò tument, & ægro supino jacenti venter distentus & durus permanet. In Anasarca verò venter non ita tumidus fit ut in Ascite, & totum corpus à pituitoso humore per carnem & sub cute effuso æqualiter quasi intumescit. A reliquis autem infimi ventris tumoribus præternaturalibus, qui fiunt à mola, falsa ingravitatione, scirrhosis mesenterii vel omenti.

menti tumoribus, ab alvi fœcibus, à sanguine aut simili humore, & Asciten mentiuntur, ex tumoris inæquali duritie & diuturnitate, aliisque horum tumorum signis & causis prægressis atque ex συνδρομῇ signorum Ascitæ pathognomonico-
rum genuinum Asciten sagax Medicus facile distinguet.

X.

Prognostica signa, quæ eventum Ascitæ testantur, petuntur. 1. Ab ipsius affectûs & ægri natura. 2. A causis. 3. Symptomatibus ei supervenientibus.

Quandoquidem Medici prudentis sit, & cui propria fama cordi est in periculorum morborum curatione, prognostico se munire, ne, ut *Celsus* ait *lib. 5. cap. 26.* speciem ejus subeat, ut occisi, quem fors ipsa peremit. Et ex consilio *Galen*i 2. *aphor. 29.* illud semper memoriâ tenendum: deploratorum non esse suscipiendam curationem, sed cedere abstinereque, cum eâ prædictione oportere, quisnam tandem morbi sit futurus exitus. Agedum videamus quid de hujus affectus exitu & curatione prædicendum atque sperandum sit. 1. Hydrops Ascites Tympanite & Anasarca periculosior est ceteris tamen paribus: & eò periculosior & curatu difficilior, quò magis inveteratus. 2. Facilius curatur Ascites in juvenibus & robustis, quàm in senibus & iis, quibus vires languent. Facilius etiam sanantur ii, qui sitim, inediaque tædia perferre possunt, quam qui minimè sibi temperare queunt. Hac de causa juxta *Celsum lib. 3. cap. 22.* facilius servi & pauperes, quàm liberi, divites & primates curantur. 3. Ascites si ab epatis, lienis, renum, ureterum, vesicæ aut venarum lactearum & mesenterii exesione, vel exulceratione, ruptura & corruptione oriatur, plerumque lethalis atque incurabilis erit. *Platerus l. c.* Valdè etiam difficulter curatur Ascites, qui est à colliquatione, hydatidibus & calidi innati defectu, vel visceribus scirrho inveterato obsessis. Qui verò à serosi humoris copia per διαπήδησιν aut αἰαζομωσιν in cavitatem ventris exstillante oritur, aliquam adhuc curationis spem præbet, dummodo æger adhuc *Πωλάγχι* sit, ac

fit, ac integris viribus. 5. Malus etiam est ex acutis morbis abortus: neque enim à febre liberat & valde dolorosus est ac lethalis. *Hipp. 2. prog. cap. 1.* 6. Abscessus vel maculæ in cruribus erumpentes lethales. *Sennert. l. 3. Prax. p. 6. f. 2. cap. 3.* 7. Aqua inter cutem detento, si aqua è venis in ventrem, hoc est, in intestina influxerit, morbus solvitur. *Hipp. aph. 14. f. 6.* 8. Si Hydropi tussis superveniat malum. *Hipp. aph. 35. f. 6.* si nimirum is ob aquam diaphragma comprimentem & thoracem penetrantem oriatur. 9. Quantò lotii minus redditur, tantò deterior est hydrops, quia serum in ventrem confluit, & ferè nihil ejus ad renes penetrat *Sennertus l. c.* Hinc *Hipp. in Coac. aph. 456.* Hydropico febriculoso urina pauca turbataq; lethale. Et tum demum secundæ valetudinis spes est, inquit *Celsus*, cum plus humoris per urinam excernitur, quàm absumitur. 10. si Hydropicis supra gravitatem ungues & digiti lividi fiunt, mors è vestigio expectanda est. *Hipp. prog. c. 1.* 11. Hydropici semper gravissimè circa plenilunia torquentur, eò quod in corpore serosa colluvies, cui luna non minus quam mari præest, cū luna plena jam in plenum statum advecta sit, idèoque omnes ferè hydropici ex sententia *Tichon. Brahe in orat. de discipl. Mathemat. p. 22.* & *Paracelsi Tom. 3. l. 2. de tar. in annot. cap. 6.* circa plenilunia moriuntur. Et certè pro vario siderum positu nunc hos, nunc illos humores in corpore humano moveri, & varios morbos inde excitari, non improbabiliter etiam docet *Sennert. l. 1. Prax. p. 2. cap. 14.* Maximè autem serosum humorem in humano corpore moveri idem *Sennertus l. 1. Prax. p. 1. cap. 10.* fatetur. Nec malè. Quippe lunam non minus præesse humiditatibus microcosmicis, quàm macrocosmicis, atque ad Lunæ cursum, serum seu mare microcosmicum, ut mare macrocosmicum turgere, fluere, atque cum lunæ incremento augeri, & contra cum ejus decremento imminui, vel observatio illa *D. Tulpii Amstelodam. de Ischuria lunatica, quæ est cap. 43. l. 2. obs. med.* docere potest. Refert enim ibidem Theologo cuidam Britannico urinam quolibet fermè plenilunio suppressam fuisse cum insigni angustia, & evidenti totius corporis incendio, neque eam iterum excrevisse, nisi vel luna declinante, vel venâ brachii secta. Propterea etiam hanc urinæ suppressionem Ischuriam

lunaticam appellat. Atque ex hoc fundamento statuo hanc esse causam, quod perturbationes & commotiones serosi humoris in microcosmo evenientes instantium lunę *Φάσεων* & mutationum atque tempestatum mox futurarum sæpè prænunciæ sint. 12. Tandem Hydropici pereunt ut plurimum suffocatione, vel feбри.

X I.

Indicatio triplex datur, Curatoria, quæ desumitur ab ipso morbo, causaque continente. Præservatoria, quæ desumitur à causa antecedente, & Vitalis, quæ desumitur à robore ipsarum virium.

Vidimus hætenus Ascitæ ideam, subjectum & causas, tam proximas, quam remotas, atque etiam quibus signis sit dignoscendus, quidque de ejus eventu sit sperandum succinctè diximus. Ordinis ratio jam postulat, ut, quibus remediis ipsi obviandum sit, sedulo quoque investigemus. Cum autem sævus hic & contumax sit affectus, & sæpè indomabili sua contumacia naturæ vires artisque omnem industriam eludat, ut omnium Medicorum ingenia subsannare, vulgari in proverbio perhibeatur, itaque ne in ejus curatione deerremus, age, artificiosas indicationes Medicas sequamur, quæ tanquam rosa nautica nobis in medicamentorum pelago versantibus, ut expeditè ad felicem curationem pervenire possimus, opem ferent. Ascites itaque ut tumor consideratus sui diminutionem indicat. Verum sic nullam utilem præbet indicationem, quoniam nulla remedii materia datur, quâ immediatè aucta magnitudo commodè tolli possit, sed materia medica, quæ ei succurrere potest, causam magnitudinis auctæ continentem respicit, sicut optimè docet *J. C. Claudinus de ingress. ad infirmos lib. I. cap. 16.* & *Sennert. l. 5. Prax. p. I. cap. 2.* Ideoque cum ad causæ continentis extirpationem subsideat, & dispalescat tumor, potius ab illa primaria indicatio haurienda. In causæ verò extirpatione spectandum an Ascites id est tumor ventris aquosus jam factus sit, & non amplius augeatur, an verò adhuc fiens, hoc est, an adhuc incrementumumat. Si jam factus est, ad causam proximam
& con-

2407

& continentem respicere, eamque remove oportet. Nimirum humor serosus, qui jam ventrem actu distendit, atque tumorem facit, omnibus quibus fieri potest modis evacuandus, discutiendus & exsiccandus. Si verò adhuc in fieri, causæ antecedentis cura habenda, i.e. omnis morbosus apparatus tollendus, & causa quæcunque ad serosi humoris generationem vel collectionem facit, debito modo amovenda. Frustra enim de aquæ evacuatione suscipitur cura, ubi scaturigines, è quibus mox nova profilire potest, remanent. Tandem cum Medicina parum valeat, vires ubi succubuerint, virium sedula habenda ratio, ut integræ conserventur, & fractæ idoneâ victus ratione & analeptis restaurentur, atque roborentur.

XII.

Indicationes hæc ipsa Curatio perficiet subsidio trium instrumentorum. Pharmaciam scil. Chirurgiam & Diætæ. Pharmaciam primò salutabimus, quæ varia simplicia ac composita medicamenta nobis suppeditabit.

Eleganter certe *Galenus* II. *mm. cap. 10.* docet in curatione id observandum esse, ut causæ, eò, quò se consequuntur ordine tollantur, ita, ut ab eo incipiatur, quod τῇ γυνέσθ primùm, τῇ ἀναλύσθ ultimum fuit, ab eo ad proximum accedatur, atq; ita ordine pergatur, &c. Adeoque secundum hoc Galeni effatum in omni Ascite curatio à causarum, ob quas serosus humor generatur & colligitur, ablatione inchoanda videtur, & dein ad causæ continentis remotionem, seu serosi humoris in abdomine collecti evacuationem progrediendum. Verùm cum sæpè antequam Medici auxilium imploratur, Ascites sit confirmatus, & tumor totus factus, atque tum medicamenta pro causis antecedentibus tollendis frustra adhibeantur, si aqua in abdomine remanens hepar & viscera indies magis magisq; debilitet & corrumpat. Ideò tum necessariò ut th. XI. dictum, ad causam continentem respiciendum, & ut serosus humor in ventre collectus evacuetur, procurandum.

Evacuari autem serosus humor potest, vel sensibiliter catharticis, hydragogis, diaphoreticis, diureticis, & imprimis abdominis perforatione *ἡ δὲ περὶ τῆς* de qua th. seq. de Chirurgia: Vel insensibiliter insensili transpiratione, seu *ἀδυναμία* *ἡ δὲ περὶ τῆς*. Cæterum quamvis verissimum sit & autoritate Galeni confirmatum serosos humores sine aliqua præparatione mox ab initio purgari posse attamen ut viæ, per quas expurgari debet, quadantenus præparentur, quædam incidentia & abstergentia quandoque præmittere, non inutile. Quælia hîc esse possunt. *Rad. Gramin. Petrosel. Asparag. Absinth. Eupator. Cuscut. Capill. Vener. Præß. Syr. de quinq. rad. byzanth. de Cich. crem. tartar. Asidum tart. chalyb. tart. Vitriolat. tart. Nitrat. Magister. chalyb. f. Vitriol. hermaphrodit, &c.* quæ in idonea forma exhiberi possunt. Vel talis clyster præmitti potest: *R. rad. Alth. ʒj. Ireos ʒβ. Herb. Malv. Mercurial. Absinth. Agrimon. ana Mj. Flor. Sambuc. Mβ. femin. Anis. Fœnic. ana ʒjβ. Coq. in f. q. aq. f. R. Colæ ʒxij. Adde Elect. Diacathol. Hier. f. ana ʒvj. ol. Aneth. ʒij. Salis ʒj. F. Clyster.* Hydragoga, quæ serosum humorem expurgant, vel simplicia, vel composita sunt. Simplicia sunt *Manna, Mechoacan. Gialapp. Gummi Gutte, seu gamba* (rectius *Cambodia, à Regione Cambodia, quæ Chinæ vicina, in qua planta illa, quæ hanc guttam fert, maximâ copiâ crescit, teste Jac. Bontio l. de Medicina Indor. p. 150.*) *Scammon. Gratiol. Sambuc. Ebul. Flor. Persic. Irid. Succus, Elater. f. Succus Cucum. Asin. Esula, Soldanell. &c.* Rhabarbarum an in Ascite conveniat, à Medicis contròvertitur, *Septalius* atque *Massaria* Rhabarb. usum hîc improbant. *Erastus* verò & *Placentinus* eum commendant, quibus & ego assentior. Quippe licet Rhabarb. tantam serosos humores expurgandi vim non obtineat, ac reliqua hydragoga modò recensita; attamen cùm obstructions aperiendi, atq; viscera, & imprimis hepar corroborandi vim habeat, unde etiam anima & theriaca hepatis à *Sennert. Instit. l. 5. p. 1. l. 1. cap. 9.* appellatur, non inutiliter etiam in Ascite exhiberi & reliquis admisceri potest. Refert etiam *Camerarius memorabil. med. cent. 8. part. 60.* Hydropicum quendam qui ab omnibus jam pro desperato habebatur usu Rhabarb. frequenti cum omnium ad-

miratio-

miratione integre sanatum fuisse, atq; eò tantum corporis robur sibi conciliaſſe ut ſanus & incolumis citra ullam infirmitatem uſq; ad ultimum ſenium pervenerit.

Compoſita ſunt: *Hydragog. majus & minus Fernel. Hydragog. Renod. Pulvis hydragog. Heur. Pulvis hydragog. Quercet. Pulvis contra hydrop. Eraſt. Pulvis ex Soldanell. Diſpen. Nörinberg. Pulvis Magiſtral. Stockſtall. ſpec. diacarth. diaturbith cum Rhabarb. ſpec. hierapicra. Pilula hydragog. Bontii, Pil. hydrarg. Heur. Quercetan. Dorncreill. Pil. de Mechoacan. Renod. de Mezer. Meſ. de Elaterio & Eſula Fernel, &c.* Ex Chymicis celebratur extractum Gummi Cambodia & Reſin. Scammon roſat. Magiſter Gialapp. Extract. gratiol. Extract. hydragog. Ruland. Mercurius vitæ, Mercurius dulcis, Roſa mineralis Sala, Luna purgans Tenzel. Catharticum Antimoniale, oleum Antimon. Sennert. Crocus metallor. Circa hæc medicamenta non immeritò quæritur an vomitoria & medicamenta ex Antimonio & Mercurio præparata, cum pleraque vomitum, vel ſimul vomitum & alvum moveant, in hoc affectu ex uſu eſſe poſſint? Quoad primum. Meminit *Celfus* Methrodori, qui cum æquo animo ferre non poſſet neceſſariam ſitim, bibit, mox revomit, & ſic convaluit. Et *Foreſtus* recitat hiftoriam cujuſdam hydropici, qui mari iter facies & moleſtis vomitibus vexatus ab hydrope liberatus eſt. Atque vomitum etiam concedunt *Iben Sina, Nicolus, Platerus, Saxonia, Capivaccius, Joel*, eò potiſſimum nomine, ut hæc ratione quædam revulſio ſeroſi humoris à venis meſaraicis ad ventriculum & inteſtina fiat. Ex quibus jam concludo etiam vomitoria in Aſcite quandoque tutò & utiliter exhiberi poſſe, præſertim robuſtis & quibus ventriculus viſcidis & ſeroſis humoribus ſcater, modò ad vomendum ſint faciles & nulla inſignis diſpnœa adſit. Verùm medicamenta Antimonialia & Mercurialia quod concernit, nec illa reformidanda ſunt. Præterquam enim quod ex *Sennerti* & aliorum clariſſimorum Medicorum conſilio cathartica, quæ ſimul per inferiora & ſuperiora evācuant etiam in Aſcite cum *Apoſt.* propinari poſſint, etiam multò minus noxia ſunt, atq; tutius exhiberi poſſunt, (modò ritè præparata fuerint) quam *Euphorbium, Mezerii folia, Soldanella, Elaterium, ſquama æris, æs uſtum*, quibus *Galenus, Hippocrates, Avicennas*, & poſt illos ex

recentioribus multi usi sunt. Præterea antimonialia & mercurialia, quæ alias alvum & vomitum cient, in hydropicis minus vomitum movent, sed ferè tantum per alvum purgant, faciente etiam *Sennerto & Tenzelio*, partim quia ventriculus aquosis humoribus imbutus ab ejusmodi medicamentis non ita vellicari potest, partim etiam, quia volatilitas eorum aquæ falsedine figitur, quemadmodum alias si talia cum sale aliquandiu terantur, vel oleo tartari per deliquium, aut aqua salsa digerantur, & postea edulcorantur, vim emeticam amittere solent. Nihilominus tamen cum grano salis ejusmodi medicamenta exhibenda.

Ex his enumeratis medicamentis variæ formulæ pro ægri palato, aliisque circumstantiis parari possunt. Ut: *Rx. Rob. Sambuc. ʒ i j. Pulv. Mechoacan. ʒ j. Gum. gotte. gr. vj. Cum saccharo F. Bolus. Vel Rx. Mechoacan. opt. ʒ i j. Rhabar. ʒ j. Extr. gumm. gotte rosat. gr. v. Cinamom. ʒ β. F. Pulvis. Vel Rx. M. P. Tartar. Q. ʒ β. Magist. Gialapp. gr. viij. Extr. helen. gr. v. Magist. chalyb. gr. ij. ol. caryophyll. gr. j. Cum syr. de Eupatorio F. Pilulæ mediocres. Aut si potiones magis arri- dent, tales fieri possunt. Rx. Succ. Irid. recent. express. & per residuum depurat. ʒ i β. Mann. ʒ v j. Syr. de Eupator. ʒ β. Aq. Sambuc. ʒ i i j. M. F. Haustus. Vel Rx. Rad. Gramin. Cichor. Fœnic ana. ʒ β. Cortic. Sambuc. Ebuli ana. ʒ j. Agrimon. capill. Veneris ana M. j. Flor. hepatic. genist. ana. p. j. Coq. in aq. f. In Colatura Infunde Fol. Senæ elect. ʒ j. Mechoacan. ʒ β. semin. fœnic. anis. ana. ʒ j. Manè rursus ebulliant & colentur. In colaturæ ʒ i x. Dissolve Mannæ ʒ j. Iterum coletur & F. Potus pro trib. dosibus. Parenti meo b. m. maximè familiare fuit, & semper magno cum successu exhibuit tam in Ascite, quam Anasarca seq. decoctum. Rx. Herb. Gratiol. M. j. Cortic. Sambuc. M. β. Rad. glycirrh. ʒ j. semin. anis. ʒ j. Coq. in aq. f. ferro, aut vino passulato ad mediæ partis consumptionem. Colaturæ ʒ i i j. vel ʒ v. mane exhibeantur. Gratiolam etiam valdè commendant *Wierus & Joel*, variaque euporista hydragoga ex ea præparant. Potenter etiam serosos humores evacuare scribit Joel, succum rad. palmæ Christi, & succum cortic. rad. sambuci si ʒ i j. pondere cū saccharo exhibeatur. *M. Joh. Denius Profess.**

Profefs. Acad. Rostochienf. in Praxi Medica, quam fcriptam affervo, mirificè in Afcite valere, fcribit, fuccum cochleariæ ʒj. pondere fumptum. Poſſunt etiam pro delicatis vina medicata purgantia parari. Ut: R̄. Rad. Mechoacan. Rad. Ireos. an. ʒj. cortic. rad. capp. Tamarifc. ana. ʒβ. cortic. ſambuc. Mj. herb. abſinth. agrimon. ſcolopend. ana. Mβ. ſem. anif. ſcœn. ana. ʒj. Incidenda incidantur, contundenda contūdantur, & F. Nodulus, qui ſuſpendatur in f. q. Vini. Bibat de hoc æger manè hauſtum bonū. Incredibilem aquæ copiam ſolius vini chalybeati & rad. aſari uſu, in iis, in quibus ex diuturna ſplenis obſturbatione Hydrops ortus erat, ſe aliquādo evacuaſſe, ſcribit *Eraſtus Diſp. 4. contra Paracelf.* Præter interna catarthica, etiam externa, quæ ventrē laxare, & ſeroſos humores educere poſſunt, parari poſſunt, quæ vel per anum infunduntur, vel ventri applicantur. Nimirum Clyſteres & Emplaſtra vel Cataplaſmata.

Clyſter in hunc vel ſimilem modum paratur. R̄. Rad. Ireos ʒj. cortic. ſambuc. ebul. ana. ʒβ. mercurial. ſummit. centaur. minor. ana. Mj. ſoldanell. flor. chamæm. ana. Mβ. ſem. dauc. anif. ana. ʒiβ. coq. in f. q. aq. f. colaturæ R̄. T̄b j. elect. hydragog. Fernel. ʒj. de bacc. laur. ʒβ. ol. chamæm. ʒiβ. F. Clyſter. Clarifc. *Platerus, l. 3. Prax. p. 312.* talem parat. R̄. Urinæ ſani homin. vel lixivii mediocris efficaciz f. q. diſſolve fermenti acris: ʒj. ol. rutac. ʒiβ. M. Efficacior adhuc redditur ſi ʒβ. ſucci iridis addatur. *Valeriola l. 1. obſ. 2.* in urina pueri modicum fermenti coquere jubet cum aniſi, anethi & marathri feminibus adjecta mellis deſpumati ʒj. Atque hunc clyſterem valdè etiam commendat. *l. 2. obſ. 5.* Notandum autem de clyſteribus, quod in minori paulo, quam alias quantitate, hîc adhiberi debeant, ob ventris ab aquoſo humore impletionem.

Quæ ventri externè imponuntur, fiunt ex rad. & cortic. ebuli contus. ex ſucco iridis, ol. ebuli, unguento Agripp. de Arthanith. Ungv. umbilicali Varand. & Andernac. & præcipuè uſurpantur, cùm vel propter ætatem, vel propter vires, vel ægri moroſitatem non poſſunt alia medicamenta cathartica exhiberi.

Experientiâ etiam comitante ratione animadverſum eſſe ſcribit *Celeberrimus D. Beckherus in Microcoſm. Med. l. 1. c. 2.* reſegmina unguium è manibus & pedibus ſumpta ſupra umbilicum

cum ligata validissimè serosum humorem per alvum expurgare: Et proinde ultra horam minimè sunt relinquenda, ne vehemens subsequatur fluxus. Bufonem etiam discissum & renibus impositum aquam hydropicorum per vias urinarias expellere, *Solenander, Capivaccius & Cardanus* docent.

Hæc omnia sensibilibiter & validissimè serosos humores per alvum educere possunt: Sed præter hæc sunt adhuc alia, quæ etiam per sudores & urinas sensibilibiter serum evacuant, diaphoretica & diuretica dicta. Verum notandum de his, quod potissimum hoc præstent, cum humor serosus ad ventrem fluxurus adhuc in vasis est, vel in ambitu corporis hæret, quam cum jam in cavitate abdominis continetur. Sunt autem Diaphoretica interna hîc convenientia *Scabios. Card. bened. Vincetoxic. Flores sambuc. Ebul. Lign. Guajac. Jassasfr. rad. china, Contrajerva, C.C. lapis bezoar, Antim. Diaphoretic. Bezoartic. mineral. Bezoartic. Vitriolat. Magist. Antimon. chalybeat. sal. ebulli, vincetoxic. absinth. Carduib. spiritus sambuc. Ebul. Guajac. mixtura simplex, Theriaca, Mithridat. Rob. sambuc. Extract. Resin. lign. Guajaci. &c.* Ex his decocta, Potiones, Boli, Pulveres, & similes formæ pro re nata parari possunt. v.g. R. Aq. Carduib. Vincetox. ana. ℥j. Sambuc. ℥i β. Rob. sambuc. ℥j. C.C. philos. præpar. rad. Contrajerv. ana. ℥j. Aq. cinamom. ℥ β. M.F. Potio sudorifera. Vel ex Antimon. Diaphoretic. ℥j. cum Theriac. vel rob. sambuc. ℥ij. F. Bolus. Elegans Destillatum describit *Sennert. l. 3. Prax. l. c.* & decoctum sudoriferum specificum habet *Quercetanus Pharmac. restit. c. 8.* Possunt etiam sudores cieri in Vaporatorio seu Laconico, in quo decocto aliquo ex rad. & fol. sambuc. ebul. rutæ, absinth. fl. chamæm. sambuc. bacc, laur. & similibus, silicibus vel ferri scoriis insperso vapores excitari possunt. Ante ingressum etiam Laconici ad promovendum sudorem poterit aliquod sudoriferum propinari.

Diuretica parari queunt ex *Chærefol. asparag. petrosel. fœnicul. puleg. rad. Vincetox. pimpinel. Valerian. ligno Jassasfr. semine hyperic. Alkekeng. baccis juniper. Sale absinth. juniper. gratiol. spiritu Salis, Vitriol. spirit. terebinthin. oleo succini, lapide prunellæ.* v.g. R. Aq. Chærefol. Petrosel. ana. ℥j. Halicacab. ℥j β. Lapid. prunell. ℥j. vel sp. Salis gr. x. fyrup. de quinque radic. ℥j β. M.F. Potio. Utile

Utile etiam decoctum diureticum, quod simul sudorem movet à *Joële l. 5. Prax. p. 44.* describitur, & paratur h. m. R̄. Cortic. med. sambuc. virid. Rad. Afari, dauci cretic. ana. ʒij. Ebul. helen. ana. ʒß. baccar. juniper. Laur. semin. fessel. ana. ʒj. Herb. scord. puleg. Carduib. flor. centaur. minor. ana. Mß. passular. min. ʒj. Cinamom. ʒj. Contund. contund. & incidend. incidantur & coq. in duplici vase per hor. 2. cum vini tb. iij. cui mellis puri & defœcati cochlearia 2. sint admixta. Colentur & colaturæ ʒ i i j. vel ʒ v. ebibat æger. Insigniter etiam per urinam evacuat. Linariæ decoctum. *Smetius l. 4. Miscell.* commendat vermes terrestres pulverisatos & ʒj. pondere exhibitos. Et horum decoctum cum rad. asparag. fœnicul. aut petroselin. aquas hydropicorum supra fidem pellere scribit. *Platerus l. 3. p. 39.* Cicadarum decoctum laudat. Dioscorid urinam capræ cum spica bibitum commendat. *Hippocrates, Capivaccius, Paschalius*, & alii etiam Cantharides in hunc finem exhibent. Varia etiam lixivra ad urinam ciendam ex cineribus genist. gratiol. heder. terrest. dulcamar. juniper. stramin. fabar. & similibus parata à Practicis commendantur. Et talia etiam à *Sennerto & Platero l. c.* atque *Heurniol. 2. Prax. Med. c. 6.* describuntur. Sal quoque bufonum, sive pulverem bufonum in clybano exsiccatorum mirificè urinam pellere, experienciâ fidem fecit mulier illa Venefica, quæ Marito suo Hydropico mortem intentans frustrato eventu eundem liberavit. Hæc enim cum sumptuum tandem pertæsa esset veneno illum tollere decreverat: quare bufonis usti pulverem ægro marito propinat, unde ille copiosum reddit lotium, hinc denuò eundem pulverem exhibet, ut citius illi ærumnosam sumptuosamque vitam cum præcipite morte commutaret, sed multo uberiore exonerata per vesicam saburrâ aquosa, præter omnem spem restitutus est, quem certò moriturum sperabat Venefica. Unde *Ausonius* eleganter sic canit:

*Quam pia fata Deum! prodest crudelior uxor
Et cum fata volunt, bina venena juvant!*

Atque hæc sunt, quæ ex Pharmacia deprompta sensibiliter

aquosum humorem per alvum, urinam atque sudorem potentissime expellunt.

Cæterum quæ insensibiliter eum evacuant, discutunt & exsiccant, similiter vel interna, vel externa sunt. Interna sunt pleraque diaphoretica in minori dosi exhibita. Ex quibus sunt *decoctum rad. Chinæ, sarß. lign. Guajac. Sal absinth. Agrimon. Card. ben. sales theriacal.* & quæ *Hartman. Prax. Chym. pag. 148. & in comm. in Croll. p. 43.* commendat, quæque proprietate quadam occultâ hoc præstare ait: Aqua nimirum lumbricor. terrest. destillata, & sterco anserinû, quod si ʒj. cum cochleari urinæ capræ, vel vituli repetitis vicibus exhibeatur, mirificè hydropicorum aquam exsiccet. Manifestum enim est, inquit, utrumq; & sterco anserinum & urinam capræ aut vituli, ubicunq; in terram cadunt eam funditus exarescentē reddere: Similiter itaq; absumit, & discutit superfluam humiditatem in hydropicorû corpore. Idem confirmat *Petræus*, qui *Nosolog. part. 2. p. 235.* testatur se aliquoties in pauperibus opilionibus observasse, lotium ovis aliquot dies potum extremè tumidos restituisse.

Externa sunt Linimenta, Unguenta, Emplastra, Cataplasmata, Fomenta humida & sicca ex hydragogis discutientibus & valde exsiccantibus parata, quæ forinsecus abdomini applicantur. Ut *Unguentum de Arthanit. Agripp. Martiat. Emplastrum Italus Medicis usitatum*, quod in *Pharmacop. Augustan. & Dispensator.* Cordi itemque à *Platero & Sennert. in Prax. l. c.* descriptum exstat. *Oleum juniper. sambuc. aneth. Sacculi ex arena calida, vel cineribus & Sale tosto impleti, vel ex furfuribus, flor. chamæm. bacc. & fol. lauri, semin. cumin. sale & sulphure parati: Cataplasmata quæ ex stercore caprin. Vaccin. columb. & gallinac. cum vino vel urina addendo interdum sulphur & nitrum parantur. e. g. R̃. Stercor. Caprin. Columbin. ana. ʒij. Rad. Ebul. bryon. ana. ʒß. Flor. chamæm. p. iij. sulphur. vivi ʒij. cum urina infantis & melle s. q. F. pro ventris regione Cataplasma. Valeriola componit Emplast. ex stercore bubul. & caprin. in aceto & lixivio præbullito, adjecto sulphur. alumine, sale, bacc. laur. & succo ebuli omnibus subactis cum pice navali. Hujus Emplastri mirabiles vires exsiccandi hydropicorum aquas deprædicat 2. observ. 5. & l. 4. observ. 3. Cochleæ etiam in lixivio coctæ &*

tritæ

tritæ cum stercore caprino vel vaccino in formam Cataplas-
matis utiliter ventri admoventur. *Dioscorides l. 2. c. 11.* illas cru-
das cum suis calicibus contusas imponere jubet. Poterit etiam
unguentum fieri in hunc vel similem modum: *Rx.* Unguent.
Agripp. $\text{℥ i} \beta$. Arthanit. Martiat. ana. z v j . ol. Scorpion. Nar-
din. ana. $\text{℥} \beta$. succi rutæ. z i i j . Aq. vitæ $\text{℥} \beta$. F. L. A. Unguen-
tum. Fetus etiam fieri possunt ex aqua naturali salsa, sulphu-
rea, nitrosa, utpote maris, fontium, thermarum; vel artificiali
ex permixtione salis, nitri, vel sulphuris parata. Vel lixivio
forti ex cineribus vitis, vel quercus incoqui possunt Sal, Sul-
phur, vel Nitrum & plantæ quædam exsiccantes. v. g. Rad.
& fol. ebul. urtic. Asclepiad. fol. rutæ, organ. calaminth. flor.
chamæm. sambuci, eoque decocto venter foveri. *Nicolas Flo-*
rentin. serm. 5. tr. 5. c. 25. etiam ranas vivas adjicit, easque pro-
prietate quadam aquas Asciticorum extrahere, scribit. At-
que hujus generis plura passim apud Practicos occurrunt.
Lapidem quoque serpentis ventri tumentis alligatum citò &
insensibiliter aquam hydropicorum absumere, *Hollerius & Joel*
scribunt. Verum nondum constat qualis iste lapis sit, & ad-
huc dubitatur an in capite serpentis sive Hydri lapis reperia-
tur, & an illū serpens supra aquam suspensus, ut ajunt, evomat.
Admirabile autem est quod *Crato* vidit, ut testatur in *Consil. à*
Scholtz. collect. consil. 295. Hyoscyami folia pedum soleis appo-
sita ex toto corpore aqueum humorem eduxisse.

Hæc commemorata remedia non inutiliter quoque adhi-
bentur, ubi scrotum & pedes à feroso humore intumescere. Sæ-
pè autem profuit in Scroto tumefacto seq. cataplasma, quod
D. Fabricius Celeberrimus Regis Daniæ Personæ Medicus in
praxi sua M. S. commendat, & hoc modo paratur: *Rx.* Flor.
melilot. M j . Chamæm. summitat. Organ. ana. $\text{M} \beta$. Rad.
ireos. $\text{℥} \beta$. femin. Cumin. z i j . Coq. in vino ad mollitiem, sub
finem coctionis adde ol. chamæm. absinth. aneth. ana. z j . cro-
ci ℥ j . Sic benè agitata in Cataplasma redige. *Galenus* Pedum
tumorem tollit frictione cum sale & oleo; item Sale oxyrrho-
dino imbuto. *D. Fabricius l. c.* scribit *Guil. Laurenberg.* feliciter
hic usurpasse linteamina aquâ vitæ imbuta, & rursus exsiccata,
atque vicissim decocto ex rad. ebuli & sulphuris vivi imbuta,

quæ calidè applicabat, & ne deciderent fasciis convenienter stringebat. *Forestus* etiam ad pedum tumorem efficacissimum Cataplasma, quod pro arcano retinendum, l. 19. observ. 39. describit.

Antiqui Hydropicos etiam insolabant, id est, singulis diebus per plures horas obvelatò capite soli ardenti eos exponabant. Alii in frumenti acervo, vel furfurum tumulo calido, aut arena marina, vel sale, aut cineribus conspersa, & à radiis solaribus vel igne calefacta eos quasi sepeliebant, capite exsertò, & sic aquosum humorem dissipabant. Verùm periculosa, & vix imitanda est hæc curandi ratio. Quippe ob dispncæam & sitim, quæ Hydropicos aliàs valde excruciat, vix ea ab iis tolerari potest. Proinde benè etiam monet *Mercurialis* loco sæpius citato, non omnia antiqua remedia in usum trahenda: quoniam Medici Antiqui, qui consilium hoc dederunt, ut plurimum curabant servos, qui omne tormenti genus necessario sustinebant. Domini enim, inquit, qui volebant servos sanos, omnia tentabant, ut nos in jumentis. Cæterum Rustici Veneti, ut scribit *Massar. l. c.* ingrediuntur fornacem calefactam, & in eo ad animi usque deliquium sudant, quandoque etiam suffocantur. Ita liberantur ab Hydrope!

Verum non sufficit aquam hydropicorum evacuassee, sed & opera sedulò danda, ne denuò regeneretur. Adeoque omnes causæ, quæcunque ad ejus generationem aut collectionem faciunt, removendæ & averruncandæ. Quod quomodo præstandum, pluribus quidem declarare, & de singulis in specie dicere possem, sed ne labor hîc nimium excrescat, & disputationis limites excedat, paucis dicam: Obstructiones vasorum incidentibus, attenuantibus aperiendæ. Soluta unitas, sive partes vulneratæ & erosæ convenientibus remediis uniendæ atque agglutinandæ. Frigida viscerum temperies calefacientibus, & contra calida & urens refrigerantibus appropriatis alteranda: Neutiquam verò hîc illi audiendi, qui ferè ad ravim usque clamitant, omnem Asciten esse affectum frigidum, & à frigidâ hepatis intemperie oriri, adeòque semper calidis illum esse curandum. Sed potius hac in re *Trallianus* attendendus, qui l. 9. c. 3. p. m. 523. Sic ait: Omnia & quæ præcesserunt, & quæ

quæ nunc adsunt, observanda puto, ac tibi præsentem intemperiem internoveris, tum demum ad curationem audacter accedas. Non autem vulgi opinionem sequaris, ὡς δὲ οὗ ὑδρωγῶντας παντὶ τρόπῳ θερμαίνειν, ἃ δὲ γὰρ ἐστὶ τῆτο ἀληθῆς quod omni ingenio calefaciendi sint Hydropici. Neque enim hoc verum.

Imprimis verò viscera interiora corroborantibus corroboranda, atque eorum natus calor omni studio conservandus. Hæc enim si negligentius exhibeantur, vel prorsus omittantur, parum proficiunt evacuantia, sed potius magis magisque ægri vires exsolvent, & tandem animam, ut sic dicam, expurgabunt. Quod cum à plurimis, Agyrts imprimis, fusque deque habeatur, etiam accidit, ut sæpe hydropici ex insperato animam expirent. Et quàm necessaria in affectibus partium principalium sint corroborantia, etiam Galenus l. 13. m. m. c. 15. exemplo Attali Medici docet. Hic enim cum Theoginem Cynicum, Philosophum sui seculi Celeberrimum inflammatione hepatis laborantem curaret, & quotidie jecori relaxantia & emollientia imponeret, neglectis interim adstringentibus & corroborantibus, pro hujus visceris natura convenientibus, cum maximo famæ suæ detrimento eum interfecit.

Ad viscera autem roboranda commendantur Trochisci de Eupatorio, de Absinth. de Rhabarb. spec. diarrhod. Abb. Aromatic. rosat. diatrion santal. spodium, Conserv. rosar. Agerat. borrag. bugloss. meliss. acetosell. anthos. flor. sambuc. Condit. rad. helenii. calam. aromat. Zingib. Electuar. de limatur. chalyb. Rob. Passular. Alkerm. Theriaca, Mithrid. Epar lupi condit. Extract. & Aqua vel potius decoctum Epatis Vituli. Magister. Corall. perlar. Absinthium Ponticum, quod à Galeno præcæteris hîc commendatur: & quæ ex eodem parantur, ut conservæ, spiritus, oleum, essentia cum spiritu ejusdem extracta, vel lapis ex hisce cum sale ejusdem conjunctis spagyricè paratus. Joh. Anglicus in Practica sua Electuarium diacubebar. dictum hîc commendat tanquam summum arcānum, & nemini nisi accepto pretio communicandum. Ejus descriptio, ut & diacubebe dictæ Paracelsi, quæ similiter maximè hîc commendatur, nec multum à dicto Electuario distat, exstat.

apud *Sennert. l. 3. Prax. p. 6. f. 2. c. 3.* Atque ex his & aliis varia composita pro re nata fieri possunt. V.g. R^x. Conserv. rosar. Agrimon. ana ʒj β. Absinth. Rad. Cichor. ana ʒj. Pulpæ pas-fular. Corinthiac. ʒvj. Epatis lupi præparat. ʒij. Mithrid. ʒij. cum Syrup. conservat. Pimpinell. F. Electuarium cui adde li-quoris Martial. ʒβ. Vel R^x. Electuar. de limatur. Chalyb. ʒj. Conserv. Agerat. Absinth. an. ʒvj. Rosar. flor. Sambuc. ana ʒβ. Trochisc. de Eupator. spec. diacurcum ana ʒj. cum Syrup. de Eupatorio F. Electuarium. Vel R^x. Spec. aromat. rosat. ʒi β. Diamosc. dulc. ʒβ. Diacurcum ʒj. Trochisc. de Absinth. ʒβ. Magist. Corall. perlar. ana ʒij. Conserv. rad. heleni ʒij. ol. Cinam. citri ana g.v. Sacchar. in aq. Fœnic. dissol. q. s. F. L. A. Confectio in Rotulis. Externa quoque non negligenda, sed sacculi, Emplastra, Cataplasmata, Epithemata & similia pro re nata S. A. conficienda.

Antequam autem à Pharmacia ad Chirurgiam discedam, quasdam cautiones & regulas circa hæc remedia necessario ob-servandas adhuc addam. I. A' mitioribus cura Ascitæ in-choanda, nec ad fortiora medicamenta deveniendum, nisi mi-tiora non profuerint. II. A' medicamentorum usu non sta-tim desistendum, sed cum chronicus plerumq; hic sit affectus, usus eorū longiore tempore continuandus. III. Interdum temporis aliquod intervallum interponendum, & à medica-mentis cessandum, ut vires & morbô & medicamentorum multitudine labefactatæ recolligantur, ut postea fortiùs contra morbum pugnare possint. IV. Medicamentorum formulæ sic concinnandæ, ne iis serosi humoris quantitas magis au-geatur. V. Satiùs est paulatim & tuto evacuare, quàm festi-nando unà cum morbo ægrum è medio tollere. *Trallianus lib. 9. cap. 2.* VI. Hydropici non temerè ad sudandum adigendi, cùm serosus humor, non, ut in Anasarca, per superficiem cor-poris diffusus sit, sed in abdomine contineatur, unde sudori-fera non sine magno labore aliquid evacuant, timendumque sit, ne, dum sudoriferis calidis; vel actuali adhibitô calore ad sudorem coguntur, vires corporis magis dejiciantur, atque ob-dispnceam in suffocationis periculum incurrant. *Platerus l. 3. Prax. p. m. 312.* VII. Topica, quæ Ventri applicantur, cùm ple-raque

raque sint ex calidis & siccis, ita dirigenda, ne hepar, vel ventriculus, aut alius corporis viscus, ab iis lædatur. VII I. Si flatus seroso humori admixti sint, carminativa aliis admiscenda. I X. In Ascite à colliquatione cavendum ne nimium discutientibus & exsiccantibus calor colliquativus augeatur. Et proinde primò caloris excessus refrigerantibus internis, externisque tollendus, & dein serosus humor debito modo evacuandus. X. Ad partes principes semper respiciendum, & nunquam solis relaxantibus utendum, ne eorum tonus dissolvatur, sed adstringentia permiscenda, aut quæ specifica quadam vi corroborant. *Galenus 13.m.m.*

XII I.

Chirurgia subministrat Venæsectionem, scarificationem, Vesicatoria, Cauteria & ὀγκώσεων.

Alterum Medicinæ instrumentum, Chirurgiam scil. aggredior. Hæc licet in plurimis morbis plurimum possit, in hoc tamen utrum conveniat, controvertitur. Primò Venæsectionem quod attinet, sunt quidem non-nulli, qui in omni hydrope, adeoque etiam in Ascite intrepidè, cæteris parum perpensis venam secari jubent. Verùm dum hoc faciunt & sanguinem vivificum nectar vitæque thesaurum eliciunt, sæpè animam unà educunt, ægrumq; è medio tollunt. Atq; sic verum reddunt decantatum illud *Galen comm. 1. aph. 1.* Temerariæ experientiæ finis totius animantis est internecio. Quapropter cùm nihil quicquam in homine, qui animæ, imò Dei sedes & templum est, temerè tentandum sit, probè pensiculandū, quando V.S. in Ascite celebrari possit. Ego V.S. non, nisi alicujus visceris inflammatio adsit aut à mensium vel hæmorrhoidum suppressione Ascites ortum habeat, instituendam esse puto, & quidem statim in principio, ubi vires adhuc constant. Hoc etiam comprobatur *Mercatus*, qui *l. 4. de morb. intern. cap. 6.* Sic scribit: in Ascite nullâ lege exercenda venit V. S. nisi jecore evidenter inflammatô, idq; parcè & cautè: & *Jacotius l. 6. in Coac. Hipp. s. 2. in comm. sent. 18.* inchoata, inquit, caloris extinctio V.S. juyatur per initia morbi, quando per suffocationem acci-

dit, ut

dit, ut in initio hydropis à suppressione mensium, hæmorrhoidum, aut solemnis evacuationis. Tutò tamen etiam V.S. administrari potest in Hydrope subitaneo à colliquatione, cum hæc teste *Sennerto l. 5. Prax. p. 1. cap. 26.* ferossæ partis in sanguine effervescentiam egregiè coerceat.

Scarificatio veteribus maximè fuit usitata, & Ægyptiis adhuc eam in usu esse testatur *Prosper Alpinus de Medicin. Ægypt.* Verùm non omnes eundem elegerunt locum. Archigenes, referente *Galeno 9. comp. med. s. l. cap. 3.* scarificare iussit talos. *Nic. Massa Epist. Med. 21. & Langius l. 2. Epist. 23.* laudat scarificationem crurum. *Herc. Saxonia & Alex. Benedict.* commendat scarificationem cutis in abdomine, in talis autem & cruribus ab iis abstinendum docet, propter gangrænæ periculum. Et abdominis scarificatione *D. Joh. Michelium Medicum Austriacum* quosdam desperatos Hydropicos restituisse, testatur *Horstius cent. probl. Med. decad. 7. q. 8. Fabric. ab Aquap. de operat. Chirurg. p. m. 67.* Scarificationes pluries felici cum successu in talis, testibus & præputio se administrasse, scribit, modumque scarificandi ibidem docet. Verùm enim verò quocunque modo, & quocunque in loco scarificationes instituantur, vix eæ periculo vacant. Nam ob humoris falsi effluxum inflammatio & gravissimi dolores, imò non rarò etiam gangræna accidit, ut aliquoties se observasse, scribit *Sennert. l. 3. Prax. l. c.* Et ipse *Prosp. Alpinus* testatur plerosque inde gangrænâ incurrisse, & mortuos esse. Ideoque satius est in Ascite, imprimis jam confirmato ab ejusmodi scarificationibus abstinere.

Cæterum *Fabr. ab Aquap.* & alii etiam cauteria in brachiis & cruribus inurant, atque fonticulos, sive fontanellas in iis parant. Sed etiam ex his, ut ipse mox addit, maximum imminet periculum, ne sphacelus partem calore depauperatam apprehendat & occupet, qui brevi hominem interimat. Quare prudenter etiam monet *Heurnius aph. 8. s. 6. in comm.* ne facile cauteria hydropicorû corporibus inurantur. Exemplum quoque ibidem adducit de Medico quodam celeberrimo, qui, cum ab aqua fatigaretur, inuri suis cruribus cauteria iussit, sed illa mox in gangrænâ abiêre, ac Medicum Hydropicum abripuêre. Similem quoque historiam olim in Nosocomio
Leiden-

Leidenſi à D. Schrewelio , Practico Experientiſſimo , audivi de viro quodam Nobiliſſimo, qui ſimiliter, cum cauteria cruribus inuri juberet, eaſque in ſphacelum abirent, ſubitò extinctus eſt. Malè itaque ii faciunt, & quod nullo modo excuſare poſſunt, qui ut ut hæc optimè ſciant, attamen ut ægro indulgeant (ſic enim illud excuſant) cum ipſius vitæ periculo talia fieri permittunt. Hoc modo dolores magis exaſperant, mortemq; accelerant. Præſtat autem de conſilio Celfi, ægrum permittere mori, quam interficere. Idem judicium eſto de Veſicantibus. Eſſi enim ea cum ſucceſſu adhibita fuiſſe, quidam dicant, attamen ea cum Alex. Maſſar. rejicimus ob inflammationis & gangrænæ metum. Vix enim in Hydropicis teſte Hippocrat. aph. 8. ſ. 6. ulcera curantur. Hoc ipſum confirmat Septalius l. 7. Caution. Med. p. m. 299. qui, licet aliquando viderit duos hydropicos ſanatos veſicis in cruribus ſponte excitatis & diſruptis, ac multâ aquâ per eas evacuâtâ, nullum tamen unquam 40. annorum ſpatio curatum ſe vidiffe, ſcribit, cui à Medico veſicatoria cruribus admota fuère, ſed ferè ſemper gangrænâ incurabilem ſubſecutam fuiſſe.

Nonnulli etiam, ut *Fabr. ab Aquap. Platerus, Maſſarias* & alii ad educendum ſeroſum humorem ſcrotum aperiunt. Et quidem *Fabr. ab Aquap.* Setacium inſigit: *Platerus* verò unicum vulnus amplum inſiſtum præfert, cui canalem argenteum immittit. Et hujus perforationis exemplum habet *Horſtius lib. 4. Part. 2. obſerv. 2.* Et *Maſſarias* hoc modo in Mercatore quodam Vincen-
tino trium dierum ſpatio 45. tb. aquæ cum ægri ſalute ſe edu-
xiſſe, ſcribit. Similiter Hydropicum ſeroſo humore per ſcro-
tum evacuâtô à morbo liberatum fuiſſe, diuque adhuc ſanum ſupervixiſſe atq; liberos etiam progeneraſſe, obſervavit *Fabri-
cius Hildanus*. Verùm maxima cautione hîc opus eſt, & non, ni-
ſi ſcrotum tumidum ſit, & natura eò aquoſum humorem de-
trudat, ejus perforatio celebranda. Aliàs enim, quod pruden-
ter monet Excellentiſſimus *Platerus*, ſcrotô vacuô & naturâ
non adminiculante fruſtra tentatur apertio, & etiam hîc gan-
græna & inflammatio oriri poteſt, imò immenſi dolores, qui
ægrum miris modis excruciant, ut mori potius, quam ſic tor-
queri velit.

Sed de *ᾠδγκίησις*, sive abdominis perforatione quid? Vetustissima, certè, hæc est operatio & potentissimum ad aquam Hydropicorum educendam remedium, cujus jam Hippocrates passim meminit. Modum verò perforandi tradidère Ægineta, Aetius, Celsus, Albucasis, Fabr. ab Aquap. Fabr. Hildanus, Pareus & alii. De hac perforatione Cælius Aurelianus. l. 3. tard. pass. scribit, magnam semper fuisse contentionem, alios illam approbasse, alios rejecisse. Ipse tamen affirmat se aliquos vidisse, qui ex hac sectione evaserunt, quodq; tam multi moriuntur, inde fieri, quod ut plurimum serius tentetur, & cum jam morbus diuturnitate temporis factus est incurabilis. Et certè non semper, nec in omni Ascite *ᾠδγκίησις* convenit, sed duntaxat quando tumor brevi tempore ad insignem magnitudinem pervenit, & hydragoga, aliq; auxilia non juvant, quando nulla febris adest, nullus alvi fluxus, corpus non emaciatum, & omninò si vires adhuc constant, & æger, ut Hippocrates in proreth. ait, *ὁ πλάγχι* est. Ideoq; etiam Hipp. 6. Epid. s. 7. tex. 8. statim secare jubet. Nam si Ascites jam sit inveteratus, viscera corrupta, vires fractæ, aut si a scirrho hepatis aut lienis, aut morbo aliquo acuto ortum habeat, frustra hæc sectio celebratur, & quod plurimi annotarunt, anima cum aqua educitur. An autem hæc sectio etiam in Ascite desperato tentanda sit, ut si æger liberari non possit, saltem aqua effusa à dispnoea gravi, aliisque internis doloribus liberatus placidius exspiret, certè ego asserere non ausim. Putat equidem Verulamius de augment. scient. lib. 4. cap. 2. ad officium Medici etiam pertinere, ut abjecta prorsus omni sanitatis spe, excessum præbeat e vita magis lenem & placidum. Verum rectius alii censent, satius esse circumspectè prælagire, & quâ licet, prorogare, quæ non potest conservari, vitam. Præterea Fabr. ab Aquap. Asciticos desperatos secare prohibet, quia, ut Galenus docet, impudentis consilii est, in quo desperata omninò salus est, apud vulgus infamare præsidia, quæ multis fuisse salutis: & Celsus ait lib. 5. cap. 26. Prudentis Medici est eum qui servari non potest, non attingere, nec subire speciem ejus, ut occisi, quem fors ipsa peremit.

Cæterum

Cæterum locum quod attinet, qui perforari debet: notum est ex veteribus & recentioribus, quod in variis abdominis partibus *ὡδανκίτησιν* instituerint. *Hippocrates*, *Ægineta*, *Aetius*, *Albucasis* & qui hos sequuntur, sectionem fieri volūt, paulò infra umbilicum, ubi etiam commodissimè & tutò eam fieri posse, concedo, modò illud observetur, quod *Hippocrat. 6. Epid. f. 7. t. 8.* sedulò monet; *μὴ ψάβειν ἥτερ μὴδ' ἐπὶ τῷ ἔσω*, i.e. ne ea pars, quæ est inter umbilicum & pubem, ubi linea alba dicta excurrit, aut interiora ferrò attingantur sive lædantur. *And. Laurentius* verò *Anat. lib. 6. cap. 9. q. 9.* ipsum umbilicum eligit, atq; in eo sectionem multò tutiùs & faciliùs fieri experienciâ & rationibus probat. Et quosdam in ipso umbilico sectionem facere consuevisse, meminit ipse *Celsus lib. 7. cap. 15.* Nec horum institutum prorsus improbat *Fabr. ab Aquap. l. c.* & *Sennertus l. 3. Prax. l. c.* Et ego quoque *ὡδανκίτησιν* in umbilico admitto, quando ea fieri potest. Potest autem ex consilio *Fabr. ab Aquap. & Sennert.* ea fieri, quando umbilicus ita laxatus apertusque est, aut tumens, ut ab exteriori parte ad internam cavitatem & aquam tenuis tantum cutis intercedat, quæ vel ipso tactu, digitique compressione deprehenditur, & imprimis quando natura eò inclinatur, & ipsa hunc locum eligit. Naturam autem non rarò hanc viam eligere & per vasa umbilicalia dilatata hydropicorum aquam sponte evacuare, Medici notarunt. Et habent hujus rei exempla *Benivenius de abd. sanat. caus. c. 12.* *Valeriol. l. 4. observ. 3.* *Dodon. obs. Med. cap. 12.* *Marcell. Donat. l. 4. hist. Med. mirab. c. 21.* *Fabr. Hildan. cent. 1. observ. 47. cent. 2. observ. 58. & cent. 4. obs. 42.* *Sennert l. 3. Prax. p. 749. & 976.* *Schenck. l. 3. obs. 147.* *Riolan. Anthropograph. l. 2. c. 12.* *Forest. l. 9. observ. 33. & l. 27. obs. 29.* *Fabr. ab Aquap. & Laurentius l. c.* Verum si hæc requisita defunt, umbilicus non temerè perforandus. Sunt equidem qui hæc arte procurare volunt, & ut umbilicus intumescat, cucurbitulam sæpè ei admoveere jubent. Et *Sanctorius* certis instrumentis, quæ in *comm. in Avicenn. fen. l. 1. q. 71. p. m. 435.* depicta sunt, umbilicum perforare, eumque dilatare atq; aquam extrahere conatur. Verum an hæc ita tutò, & cum ægri salutè fieri possint, si natura ipsa eò non inclinatur, maximè dubito. Tandem

in aquæ hydropicorū eductione probè notandus 6. *Aph. Hipp. s.6.* Qui pus in thorace colligunt, aut aquâ inter cutem laborant, si uruntur aut secantur, & pus, aut aqua confertim effluerit, omninò intereunt. Ideoque sensim pro ægri virium ratione & tollerantia, & non ἀφρώς, aqua extrahenda.

XIV.

Diæta consistit in causarum naturam nostram conservantium, seu alterantium legitima usurpatione.

Tertium *τρεπτικὸν* instrumentum est Diæta, quæ ut in aliis morbis, ita & in hoc maximè necessaria est, & meritò primas & postremas hujus curationis partes obtinet. Quippe sine ea medicamenta parum hîc valent. Et à prava victus ratione Hydrops sæpè excitatur & fovetur. Atq; hanc ipsam non postremam causam esse puto, quod hic affectus, uti *Bontius in Medicin. Indor.* testatur, Indis sit familiarissimus. Quamvis verò à Practicis communiter diæta ad caliditatem & siccitatē vergens in hoc affectu præscribatur, attamen pro causarum hydropem excitantium variatione atq; symptomatum natura non rarenter eam variare oportet. Cum enim Ascites alius calidus, alius frigidus sit, uti etiam à Doctissimo *Hoffmanno l.3. de loc. aff. c.4.* & quidem rectissimè sic dividitur; in frigido Ascite diæta calida & sicca omninò convenit: ast in calido à colliquatione, vel calore flammeo, ut *Hoffmann. l.c.* exponit, talis maximè nocet. Quare tunc tota victus ratio (quod semel pro semper jam moneo) ita moderanda, ut flammeus & colliquans calor alteretur; mitigetur & extinguatur. Et omninò semper talis diæta instituenda, quæ vires prostratas sublevar, viscera roborat, & omnem humoris aquosi proventum prohibet. Aër itaq; sit serenus, purus, calidus & siccus, & si natura talis non est, arte, quantum licet, paretur. Cibus sit *ὀρεκτικὸς* & *ευχολῦτος*. Quare abstinendum ab iis, qui multum aquosi, ferosi, falsi & viscerati humoris suppeditant, ut sunt carnes sale conditæ & fumo induratæ, pisces limosi, sale

2420

si, sale conditi, & calore solis vel fumo exciccati. Ostreae, mytili, aliaque testacea viscidum & salsum humorem participantia. Fructus horarii & oleracea pleraque. Carnes, quales sunt haedinae, vitulinae, gallinarum, caponum, perdicum & avium plerarumque sylvestrium, & similes boni alimenti & facilis coctionis, assae potius, quam elixae commendantur, possuntque aniso, foenic. petroselin. vincetox. bacc. juniper. cinamom. macere, croco aliisque aromatibus, nisi quid impediatur, condiri. Jecur etiam animalium & praecipue gallinarum conceditur, atque tota substantia in hoc affectu valere à plurimis creditur. Nec inutiles sunt cap-pares, amygdalae, pistaciae, pineae, passulae, imprimis maximae Damascenae, Zibebae alias dictae. Panis sit, bene coctus, fermentatus, & ex parte furfuraceus, qui magis aperit, & abstergit, conditus semine anisi, foeniculi, cumini, &c. Et si aeger concoquere valet, bis coctus, qui ab Hippocrate & Mercuriali praefertur. Potus sit parcissimus, qui ad ciborum tantum distributionem sufficiat; & ut Celsus monet l. 3. c. 21. non ultra, quam ut vitam sustineat. Quippe observatum est, solâ abstinentiâ potus per 40. dies & plures, imò per annum integrum quosdam curatos fuisse. Ejus rei exempla habet Jacchinus & Benivenius. Et Massar. l. 3. Prax. cap. 6. refert, Vincentiæ Rustico Hydropico Medicum per jocum dixisse eum à morbo fore liberum, si per annum abstineret ab omni potu. Rusticus verò id sibi imperatum fuisse putans, per annum integrum nihil prorsus bibit, transactoque anno jam sanus factus rediit ad Medicum, ut illi pro saluberrimo hoc præcepto maximas ageret gratias. Si tamen inflammatio, vel visceris alicujus insignis caliditas adsit, Medicus aegro, si ipsi vitam superesse voluerit, potum ita religiosè non denegabit. Quippe etiam ex liberalissimo aquae potu & copioso alvi fluxu suborto Hydrope laborantes sanitati restitutos fecisse, annotarunt Zacutus l. 8. Prax. histor. cap. 15. observ. 5. & Langius l. 2. Epistol. Med. 12. Si etiam sitis valde urgeat, aceto aquâ diluto, vel aqua, in qua aliquid lapidis prunellae dissolutum est, os colluendum, vel aliquot guttae spiritus Salis cum momento vini assumendae. Sitis quoque

extinguit radix glycyrrhizæ recens ore manducata. Pro-
 sunt etiam Rotulæ ex speciebus diamarg. frig. vel aliæ, spir-
 Salis oblitæ & deglutitæ. Cæterum potus potest medicari
 absinth. Eupator. roremarin. agrimon. caryophyl. rad. ireos,
 glycyrr. passul. &c. Vinum quoque antiquum tenue, al-
 bum, austerum & adstringens Hydropicis conducit, modò
 febris vel calor non adsit. Vinum enim cor exhilarat, spi-
 ritus recreat, dissipatos restaurat, succos crassos attenuat, &
 urinam atque sudorem provocat. Aquæ verò poculum Hy-
 dropicis aduersissimum esse, *Galenus* docet l. i. de simil. med.
 facul. c. 7. Et *Iben Sina* sen. 14. f. 3. tr. 4. cap. 16. illius quoque
 visionem prohibet. Hoc religiosè observavit Hydropicus
 ille, cujus meminit *Massar. l. c.* Is enim cùm intellexisset
 aquam sibi mirabiliter aduersari, vinum autem conferre, post-
 habitâ qualibet aquæ administratione, non modo ad po-
 tum, sed etiam ad coquenda omnia fercula, imò ad manuum,
 crurum, faciei & universi corporis lotionem vinò malvaticò
 usus est, & ejus longiori usu etiam sanitatem recuperavit.
 Alvus sit aperta, & si spontè non respondet, alviduco stimu-
 letur. Somnus sit moderatus & nocturnus. Interdiu, tem-
 pestivo tempore corpus moderatè exerceatur, deambulatione,
 si fieri potest, vesturâ, gestatione. Quippe quiete calor in-
 natus magis torpescit, unde excrementorum copia major col-
 ligitur: Motu verò calidum nativum & spiritus excitantur
 viæ dilatantur & superflui humores discutiuntur vel sensi-
 biliter & manifestè per sudorem, vel insensibiliter per ἀδρῆν
 ἀπρὸς τὸν. Et hoc vult *Hippocrates* quando 5. Epid. t. 27. dicit:
 Hydropicum oportet defatigari. Corpus de die vestibus &
 noctu culcitris ita tegatur & muniatur, ut pori cutis aperti
 servantur, & sudor erumpat, vel vapores liberè transpirent.
 Quantum enim insensilis perspiratio ad sanitatem confer-
 vandam atq; recuperandam valeat, eleganter docet *Sanctorius*
 in sua Medicina Statica. Venus verticordia fugiatur. Exu-
 lent quoque motus animi immoderati. Interim quæ ani-
 mum exhilarant, non prorsus abjicienda. Lætitia enim cali-
 dum innatum spiritusq; animales excitat; Tristitia contra eos-
 dem exsiccatur & suffocat.

Atque

Atque hæc etiam de ipsa Ascitæ curatione dicta sunt. Nunc quædam etiam de symptomatum mitigatione & curatione addenda forent, verum vix ea angustia chartæ capere potest, neque animus mihi est de hydrope magnum tractatum conscribere. Præterea morbo sublatô facilè etiam symptomata tolluntur, hæc enim *Galeno* teste *de diff. sympt. cap. i.* morbum, ut umbra corpus sequuntur: hõc autem sublatô umbra evanescit. Quare qui plura desiderat, ipsos Practicos adeat. Ego hîc calamus sisto.

**D E O S I T G L O R I A
E T G R A T I A R U M
A C T I O !**



Aliter hoc etiam de ipsa Alacris curacione dicta habeo.
 In hoc quodam etiam de Symptomatum mitigatione & cura-
 tione attendenda forent, verum vix et angustia charas capere
 poterit, neque animus mihi est de hydropis magnam tracta-
 tum concludere. Preterea morbo sublati facili etiam sym-
 ptomata tolluntur, hoc enim Galenus testis de diff. Sympt. cap. 1.
 morbum, ut umbra corpus seduntur: hoc autem sub-
 lato umbra evanescit. Quare qui plus delide-
 rat, ipsos Practicos adeat. Ego hic
 calanum siso.

DEO SIT GLORIA

ET GRATIAM

ACTIO

